

ANGELI SALÆ,
Vicentini,
MEDICI SPAGYRICI,
Tractatus Duo:

DE

VARIIS TUM CHY-
MICORUM, TUM GA-
lenistarum erroribus, in præpara-
tione Medicinali commissis.

OPUS ITALICE PRIMUM AB
Auctore conscriptum, jam verò eodem requirente, in
Latinam linguam, stylo quàm simplicissimo trans-
latum, labore & conatu

M. A. R:



FRANCOFVRTI,
*Vænit apud IOANNEM BEYERVM.

ANNO MDC IL.





*VIRO MAGNIFICO, NOBILISSIMO,
Amplissimo atq; Prudentissimo,*

Dn. JODOCO CHRISTO-
PHORO Kress von Kressenstein in
Kehlsdorff/

INCLYTÆ ET LIBERÆ REIPU-
blicæ Noribergensis Senatori, ac Scholarchæ Eminen-
tissimo, Vniuersitatis Altorfinæ Procuratori gra-
uissimo, Ejusdemque Reipublicæ
ad

*Conuentum Osnabrucensem ac Monasterialem jam
semporis Legato splendidissimo, Domino ac Patrono meo sub-
misit iugiterq; colendo.*



Vabus potissimum inducor
causis, Vir Magnifice, Nobilissime, Amplif-
sime, ac Prudentissime, Domine ac Patrone
perpetuò devenerande, duabus inquam
inducor causis, quare pagellas hæc illustri Tuo no-
mine condecoratas velim atque insignitas. Una est, ut

A 2

publi-

publicum hîc de liberali Tuo ergà me, omnesq; bonos affectu ac favore præberem testimoniũ, quo nullo non tempore me nil tale commercem adeò complexus es, ut beneficium, alterum beneficium quasi trudēs, in me effundere haud dubitares. Quibus adeò me Tibi devinctum tenes, ut nisi publicè de ijs verba facerem, (aliud cùm mihi nullum compensandi genus relictum sit) in gratitudinis notam subire viderer. Hisce omnibus, Vir Magnifice, effecisti, ut cum illo cogar clamitare; me vivere & mori ingratum. Altera est profunda rerum medicarum, quâ condecoratus es, eruditio, quæ licet à studio tuo ac professione aliquantulùm aliena esse videatur, ea tamen est, quæ doctos quoq; Medicos à tergo longo post se relinquat intervallo. Non enim existimēs velim, fugitivam mihi oblivionem illud subduxisse temporis, quod de varijs minùs dextris Medicamentorum præparationibus vulgò usualibus doctè loquendo, me auditore, traduxisti, varios in illis crassè commissos errores accuratè commonstrando, coarguendoq;. Quâ dexterrimâ rerũ dijudicatione, ab acriori tuo iudicio, tanquàm à perenni omnis eruditionis fonte profluente, sum-

summam in admirationem tractus, sic affectus sum, ut
semper puræ electorum medicamentorum elaboratio-
ni (absit tamen omnis jactantia) studere contenderim.

Videns igitur verè aureum hunc Candidissimi Chy-
mici Angeli Salæ de varijs Pseudo-Chymicorum & Ga-
lenistarum erroribus tractatulum, à reliquis illis Operi-
bus exulare, à multisq; publici usus studiosis anxie desi-
derari, pro meâ, quam publico debeo, opellâ facere nō
potui, quin reliquis Angeli Salæ Operibus ad sociandū,
publicique juris faciendum allaborarem; Ut ita per me
non quidem nasceretur, sed renasceretur, & ab interitu
ac oblivione vindicaretur. Neq; est cur, Te maximo
favente Patrono, triobolarium Chymix Oforum fini-
stra pertimescam judicia, quorum iniqua nobilissimæ
rei reprehensio, quid nisi meram coarguit inscitiam? qui,
tantum abest, ut Chymix dignitati nugis suis aliquid
demere valeant, ut potius ignorantia tenebris occæca-
ti ad abjecta quædam ac surdida hominum sodalitia se
à Natura detrusos esse commonstrent, nec dignos, ut ad
hæc admittantur sacra.

Benevolè igitur accipe levidenſe hoc, ut ille ait, munuſculum, non ut me arctiùs tibi obſtriſtum hócce liberem, ſed ut magis me tibi devinciam, majora q̃; debere oſtendam. Cujus rei hoc velut tabulam Confeſſoriam eſſe volo. Hiſce vale Vir Magnifice Nobiliſſime, ac tuo me patrocínio complecti nunquam deſine. Dabam Noribergæ è Muſæo 5. Octobris 1648.

Vestrz Magnificentiz Nobi-
lit. & Amplitud.

Subiectiſs. Cliens

*Sebastianus Schröderus
Pharmacopæus.*

ANGE-



ANGELI SALÆ, Vicentini, MEDICI SPAGYRICI,

De

ERRORIBVS PSEVDOCHYMICORVM

L I B E R I.

PROLOQVIUM.



SI quæ in mundo scientia, & ars homini utilissima, & maximè necessaria sit, quærere velimus, comperimus, post S. Theologiam medicam artem primum sibi locum vendicare, quando etiam post cognitionem Dei veram, & salutem animarum pretiosior thesaurus, quàm corporis sanitas in terris non reperitur, ut e qua reliquarum scientiarum, & artium speculatio, inventio & experientia dependet. Homo enim corpore infirmus ad nihil penè est idoneus, & spiritus ejusdem ob mutuam utriusque sympathiam afficitur, quamquam nunc maligni astutia per prava instrumenta

tantæ scientiæ veritatem obfuscaverit & obscurârit.

Etenim quod à benignissimo Deo conditum fuerat in simplicitate, id quæsiere mortales ob innatam sibi avaritiam, ambitionem, superbiam, & invidiam deterius reddere, & vitare: ita quidem, ut hodiernâ die nihil magis corruptum, & difficile reperitur, atque ipsa ars medica, quæ ex simplici observatione ab hominibus collectam, perversitas nostra sub veritatis prætextu, in speluncam seductionis convertit, nec non labyrinthum mandragorarum, lolij, opij & aconiti: clamantque alij à partibus sumus Galeni, alij partes tenemus Paracelsi, mutuas contentiones, & dissidia subinde moventes, & interim paucissimi reperiuntur, qui dicant, se à partibus stare matris experientiæ, quique in sinceritate

ceritate proximo suo succurrere contendant, utcunq; jam dictam experientiam à Galeno vel Paracelfo acquisiverint; hoc n. nihil int. rest. Scopis enim medicinæ super ea debet fundari, quæ nobis omnium bonarum rerum lucem, & vitam cominonstrant.

Cujus semita, & via, ego quoque infistens, tametsi debile instrumentum, eo more omisso qui est citandi varios autores, in quibus plerunq; contradictiones reperiuntur, relinquens unumquemq; in proprio honore, & dignitate, præsens opus composui, citans duntaxat ipsam experientiam, per quam varij errores in præparatione medicinali tam à nostra, quam ab altera secta commissi deteguntur. Non quod hic prætendam de re quavis minima differere, hoc namque mihi foret impossibile: sed præcipua quædam, & utiliora in veritatis exemplum impræsentiarum depromo: sperans, annuente Deigratiâ, me primâ occasione oblatâ in lucem emissurum aliud volumen, quod Thesaurum medicorum nuncupabo, in quo id breviter absque ænigmatum obscuritatibus, & parabolis, quod ad scientiam præparationis medicæ, tum intrinsecus, tum extrinsecus applicandæ atinet, comprehendetur. Interim benignum lectorem ut exiguum hunc meum laborem æque bonique consulere velit rogans.

PSEUDOCHYMICI QVI-

nam sint.

Pseudochymici sic dicti sunt, quod in suis operibus à vera, & canonica chy-

mia naturali discedant, quorum duæ species reperiuntur: sed peiores & nequiores ij sunt, qui à statu veniunt Chrysopeico, qui postquam multis impostuere hominibus, tum sublimis, tum infimi status, eisque persuasere, se velle mari aquam asserre, divitias augere diviti, atque è principibus facere Imperatores, tametsi ipsi sint ipsamet miseria aut paupertas, detecta sua astutia & falsitate, omnium auxilio, & conditione destituti, artem medicam tentant facitare, miraque interris se facturos pollicentur, & quemadmodum in prima sua professione fuere synceri, tales & in hac esse comperiuntur, cum enim careant fundamentis naturalibus, & humano sint amore expoliati, hinc fit ut duntaxat querant astutè posseludere atque deludere, quorum etsi nonnulli in discursu Platonis esse videantur, re ipsa tamen aliud non sunt, quam inter bonum granumfatores Zizaniorum. Altera species est Chymicorum Empyricorum; qui ignoranter, & casu in arte procedunt, causas & rationes præparationum ac proprietatum rerum reddere nescientes, dosem pariter & applicandi modum præparationes medicinales ignorantes. Taliū impostorum inficitiam ut aliquâ in parte detegerem, primum hunc tractatum composui, qui eorum præcipuos errores manifestabit, ordine, prout hic sequuntur.

DE

Quoniam auri præparati ulus magnè est potentiz ac efficaciz in medicina; idcirco visum est mihi errores nonnullos commonstrare, qui à pseudochymicis in eo committi solent, utpotè qui nomina præparationum falsare non erubescant, earumq; sensum, suæ autem operationis reddere rationem ignorèt. Ac putant illi se aurum in præparationem adeò subtilem, & spiritualem posse reducere, ut non amplius in primâ suam formam queat transmutari, & tunc id veram esse volunt medicinam universalem, ad corporum humanorum conservationem, & omnium morborum eradicationem, efficacissimam. Quibus primò quid circà ejusmodi præparationem, secundò quid circa illius proprietates sentiam, respondebo.

Dubium non est, quin sicut infima (quæque) non tantùm externa sua apparentia sunt adornata, verùm etiam suis proprietatibus ab æterno Conditorè in usum medicinæ sunt insignita; ita & auri corpus non solum egregium, ac pulcherrimum efformatum sit, verùm etiam multis, magnisq; virtutibus in ejusdem Medicinæ commodum, condecoratum. Quâ dere cum multæ extiterint controversiæ tum affirmativas, tum negativas partes tenentium, ego stylo meo insistens ordinario, eo de subiecto discursam cum praxi duntaxat, & experientia in manu. Discutiam autem in primis, num aurum per se solum, an verò additionis medio homini possit esse medi-

cina. Ac ut Pseudochymicorum inscitiz respondeam, dico aurum esse corpus purum, & perfectum, & ita compactum, ut nulla possit poros illius impuritas subintrare. Et hoc patet, quia nec humidum illud putrefacere, neque calidum consumere valet. Quam etiam ob causam asseverandum est, corpus auri ab homine non posse digeri, & per consequens humanas vires ab eo non posse beneficium consequi. Quod autem artis medio ita possit præparari, quemadmodum ajunt Pseudochymici, hoc à me pernegatur, & aurum sine additione inpotens esse atque inutile in medicina firmissimis argumentis ab experimento ductis demonstrabo. Etenim sumatur aurum, calcinetur, reverberetur, dissolvatur, sublimetur, & ponatur in putrefactione cum aqua regis, spiritu salis, spiritu urinz, aliâq; mediâ innumera adhibeantur, per quæ aurum in liquorem reduci potest, & in formam mellis, solubilem in omnem liquorem, nihilominus si additionem separet, etsi aurum per decennium in operatione extitisset redibit in corpus sicut fuit primò: Adducam enim ad hoc exemplum notabile, quod experto cuivis Chymico minimè erit incognitum, nempe quod spatio temporis brevissimo aurum dissolvi possit in liquorem transparentissimum, coagulari in chrysellum, dissolvi iterum in aquam rubeam, & tandem reduci in pulverem subtilissimum, qui sublimatus, & emollitus adeò est diaphoreticus, ut ad pondus duorum, vel trium granorum exhibitus, mirabiles per sudorem effectus pariat,

B

stq;

atque à varijs infirmitatibus corpora liberet. Qui si apponatur igni, avolat instar mercurij, adeò subtilis est. Et tamen cementatus cum pauxillo sulphuris ad spatium dimidia horę, revertitur in corpus, de quo si vel libram comederes, nullos amplius producit effectus, & si ignem ipsi fusionis feceris, in metallum redit, sicut fuit primò. Sed quid etiam de argento referam, quod auro inferius est? Ei namq; si intibenda præbeatur quædam aqua lunaris quantam illud imbibe- re valet, ac deinde in putrefactione ponatur, separetur, rectificetur, coagule- tur, nunc cum aqua una, modò cum alia, postremò redigitur in chrySTALLUM, qui ad pondus granorum quinque assum- ptus, magnoperè per secessum purgat, & quidem citra læsionem & detrimentum, summumq; est in hydropæ arcantum, & adeò subtilis est, ut in omnem liquorem aquaticum resolvatur: positus verò in crucibulo super carbones accēsos, funditur sicut cera, & ipsum crucibulum olei instar penetrat. Item uritur ut salni- trum, nihil residui post se relinquens. In- terim qui negaret eum posse reduci in metallum, falleretur maximè, nam mi- xtus cum tartaro calcinato ana, & ad læ- tum ignem in crucibulo positus pariter in metallum vertitur, sicut fuit antè. Ita- que dicere haud possumus, aurum pos- se destrui, & penitus extra suam formam immutari, sed potiùs quod illud unà cum additione suas operationes efficiat, postquam nimirum rectè fuerit unitum, dulcificatum, ad veram præparationem medicinalem redactum: ubi verò sepa-

rationem utriusq; feceris, metallum ite- rum habebis inutile.

Hæc quanquam ita sese habeant, tan- tà nihilominus arrogantia effertur pseudochymici, ut etiam oleum ex auro se posse educere sibi persuadeant, quod an fieri possit, vel indeliquet, quia licet aurum ingenti admoveas igni, & diutur- no, attamen ei nihil de pondere suo de- cedit, unde magna illius fixitas apparet, quæ omni humore liquido, volatili, aut destillativo est destituta. Porro velle au- rum reducere in materiam suam primæ- vam, perinde est ac velle mundum ipsum in suum chaos antiquum convertere, quodq; Deus perfectum fecit, velle red- dere imperfectum, cuius destinationi & ordini, nō est quod quis tentet cōtraire. Discendum est itaq; rerum nomina di- stinguere, quando enim aurum est disso- lutum, non oleum auri debet appel- lari, sed solutio auri, & cum in forma est chrySTALLI, ne vocetur sal auri, sed aurum chrySTALLINATUM, siquidem tales muta- tiones ab ipsis additionibus proveniunt. Quamobrem apprehende ô Sophista veritatem, & in illius germana via consi- ste, fallaciam autem procul abs terce- ce, etiamque cave, ne dictis aliorum per- peram intellectis fallas, & obfuscatu te in labyrinthos abducas. Dico autem quæso qui poteris mihi demonstrare, quod philosophi quotiescunque de au- ro potabili loquuntur, hoc innuant fie- ri ex auro vulgari? dicentibus illorum plurimis, & aurum nostrum non est au- rum vulgi. Etenim si res velimus pe- nitùs indagare, inveniemus species inar- cali-

castarum, gemmarum, & salium in se occultum habere verum primum eius auri, & veram influentiam solis, quæ sunt velut amygdala cortici suo inclusa, ubi tantummodò aperitio desideratur, & separatio, quia facta visibili, tunc dici potest haberi verum aurum potabile absq; additione & naturali usui ipsius medicinar, & hominis beneficio accommodatum. Sed non tantum in creatis prædictis, verum etiam in nonnullis herbis, & animalibus talis substantia reperitur, ac vera proprietas solaris. Quamquam distinguere sit necesse eorum gradus, & efficaciam, cum sit in illis discrimen: etenim una non potentia seu gradus in auro compacto, alia in antimonio, alia in marcasita aurea, & sic in granatis, margaritis, vitriolo, ambra, mosco, croco, macis, melissa, antheo, chelidonia, & similibus, quæ medici naturalis est scire, sed hæc à pseudochymicis non observantur. Atque hæc sunt præcipuæ causæ ob quas miserè falli solent, & ad exitium præcipitari, atque unâ cum ipsis mundus, qui tantâ cum cæcitate rem unam assumit pro alia, possibile ab impossibili nescius discriminare. Ex his ergo quæ dicta sunt (tamen si alia multa adduci possent) necessarium inferendum, aurum realiter appetiri non posse, neque in primam suam materiam converti, reducendo illud in liquorem, aut sal, aut falso arbitrantur: quin etiam aurum per se inutile esse, mortuum, sed additionis adminiculo præparatum multas exerere præclaras vires, prout in auro diaphoretico videre est, cujus quidem præparatio non est i-

gnari scientia; aurum namq; posse aperire, & dissolvere est minimè difficultis, verum illud nosse corrigere, temperare & medium lenire in ipso relictum, idque in usum corporum humanorum qualificare, hoc paucis concessum auctumo.

Quod verò aurum potabile universalis medicina esse possit, ut Pseudochymici esse affirmant, hoc ego pernego, & falsum esse duobus potissimum rationibus conabor demonstrare. Etenim Deus O. M. universi sapientissimus creator, qui ordinem & limites certos in rerum natura constituit, is unaquæq; creata suis certis attributis, & specificis proprietatibus insignivit, sic ut etiam quæ in hominum conspectu abjectissima videntur ac reputantur, peculiari sua virtute sint exornata, ut hinc appareat Deum omnia sapienter fuisse operatum, cum quicquid in mundo frustra extare voluisset. Quod ipsum manifestum faciunt creaturæ innumere, tum quæ in cælis sunt, tum quæ in terra, quarum singulæ suo modo juxta sibi inditas dotes, & facultates Deo creatori gloriam, & laudes tribuunt. Quod si uni corpori universalis medicinar virtus fuisset indita, si inquam tali benedictione, & proprietate aurum Deus condecorasset, nonne sequeretur, reliqua inutiliter, & frustra existere, & in finem inanem ab eo procreata fuisse? Hoc autem absit ut credamus. Nam ab omnibus creaturis utique vult Deus agnosci, & in singulis earum, quantum vis minimis glorificari. Et ut aliquo exemplum idiplum quod dico, illustretur, en-

simplicissima illa herba campi hypericon dicta, potius imperialis nomine digna, cujus tanta est virtus, ut in quibusdam speciebus phrenensis, quas phantasmata appellare solemus, nec non alijs maleficis planè admirandas operationes efficiat in ejusmodi morbis expugnandis, & extrudendis, id quod nec aurum potabile, nec tinctura auri, nec magisteria gemmarum, nec quicquid aliud dici excellens queat, præstare sunt idonea, vel opportuna. Sed non tantum in simplicioribus herbis campi, & ejusmodi rebus minimis Dei mirabiliter elucet gloria, verum etiam in rebus deformibus, sordidis, & penè monstruosis, seu serpentibus, bufonibus, vermibus, & similibus. Notum est enim viperam medicamentum esse adversus venenum, bufonem adversus pestem, scorpionem adversus morsus animalium venenatos, vermè unum, alium necare, & complura talia existere particularibus atque occultis virtutibus prædita, quibus aurum neutiquam insignitum est. Et hæc sunt vera magnalia Dei, quando enim magis per hæc minima & infima operari dignatur, eò major apparet ipsius gloria & sapientia. Ad hæc si quotidianam quoque experientiam consulere velimus, comperiemus quod varij principes, & magnates mundi, podagra, alijsque sævis infirmitatibus laborantes, auro, & argento non parcerent, si modò tantæ efficaciz reperiretur medicamentum. In quibus quidem apparet, quantum Pseudochymici auro suo potabili sophistico præstent, atque proficiant. Verum

his sufficit aurum nosse contradere, & suffurari, ut cunque jam arroganter sibi Dei dona usurpent, & sanitatem hominibus polliceantur. At dolendum est etiam viros probos, & simplices sæpe deludi, & falli, quos maxime optârîm perpendere, quod ipsa duntaxat medicinæ præparatio hominis sit opus, sanitatis autem restitutio, & benedictio opus solius Dei. Porro tales impostores etiam ex methodo, quâ utuntur, apertissima possumus cognitione dignoscere. Nam ecce aliud non norunt quàm quid pro quo, & illud quidem malè præparatum administrare. Unde non mirum si multis tot importent damna, & exitiales inferant ruinas, ut quibus non vereantur vendere, & exhibere sal armoniacum tinctum, aut sal aliud loco sacchari auri, aquam vitæ tinctam pro aqua auri, & nonnulli meram solutionem auri cum aqua regis, pro oleo auri, & id genus alia perpetrare, quæ quia longum essent referre, taciturnitatis silentio præteribo.

DE ANTIMONIO.

Antimonium est marcasita admodum magisteriosa, è qua sulphur combustibile, argentum vivum, spiritum arsenicalem, sal minerale, & sulphur incombustibile potes separare, item aurum, cuprum &c. Summa chaos est tantoperè harmoniosum, ut in ipso subinde aliqua experientia reperiat: & juxta diversas præparationes, diversæ quoque operationes sunt illius, concitat n. verbi gratia vomitum, purgat per scdem,

sedem, provocat urinam, sudorem, somnum, &c. Proinde ei qui verus velit esse Spagyricus, summè est necessarium, ut substantiam unam ab alia, naturas, & proprietates rerum, adeoq; medicinam à veneno sciat discriminare. Ad quod examen si venerimus, inveniemus Pseudochymicos in hisce distinctionibus iudicio, scientiâ, discretionè, & praxi esse destitutos. Et hoc ex ijs quæ dicturus sum facillè patefiet. Præparationes antimonij Pseudochymicas eas intelligo, quæ corpora cum vehementia purgant per vomitum & per secessum, & qui singulas partes sæpe stupefaciunt instar aliqujus opij, cujus generis sunt vitra antimonij parata diversis modis, flores antimonij flavi, & albi, olea antimonij, sic ab ipsis falsè nuncupata, quandoquidem ea liquorum, & additionum adminicula sunt confecta. Non quod hic intelligi velim, quasi operationes purgativas culpem, aut narcoticas, quæ in medicina admodum sunt necessariae, sed purgativa, & narcotica inter se distinguens, re ipsa comperio, ea quæ in specie ex antimonio sunt præparata, esse medicamenta brutis potius animantibus, quàm humanis corporibus convenientia. Et hoc hominum infinitus numerus facillè posset testificari, qui miserè ab istis impostoribus fuere antimonijati, quorum plerique in deliquia, syncopas, debilitationes totius corporis, stupores membrorum sunt delapsi, nec non oppressiones spirituum vitalium, aliæque graviora mala passi sunt, quæ ipsa mors ut plurimum consequi solet. Quod si forte ac-

cidat, ut corpus aliquod Samsonicum, ac robustum inde beneficium sentiat, certum est tamen alijs millenis damnum, ut dixi, & noxam importari. Et causa præcipua hæc est, quia in ijs præparationibus concurrunt Mercurius (cui soli purificationis effectus est assignandus) nec non sulphur combustibile, & arsenicum: non quod rejiciam Mercurium, & sulphur, cum fuerint pura, sed tali cum spiritu, hoc est, arsenicali fermentata, minime probare possum. Ac quod tres istæ substantiæ tales effectus pariant, in hunc modum ostendo. Accipe antimonium, & separa tres illas substantias visibiles more nostro, deremamenti sive integræ libram comedas, amplius non purgabit; & nihilominus sub eo residuo, quod à chymicis empiricis caput mortuum nominatur, vera pro corporibus humanis delitescit medicina, paucis admodum cognita: illi interim arcano relicto stercus eligunt pro balsamo. Tenendum est igitur, antimonium donec dictos effectus producat, non esse intra humana corpora sumendum, quandoquidem alia purgantia nobis Deus non denegavit. Atque ex ijs quæ adduximus manifesta sit Pseudochymicorum imperitia, quitamen opinionem suam tueri volunt sententiâ illa philosophicâ abs se non intellectâ, nempe, sicut antimonium purificat aurum, sic eadem ratione, ac forma purificat corpus. At non distinguunt ignari isti, quænam sit auri purificatio, & quæ purificatio microcosmi, neque discrimen faciunt inter unum corpus & aliud. Neque enim con-

sistit in hœ corporis humani purificatio, ut nimirum ab eo cieatur vomitus, & purgatio per secesum, verum ut sanguis rectificetur, aperiantur & mundificentur internè omnia organa microcosmica, quo spiritus vitæ liberam circulationem habeant, & ut corroborentur partes nobiles, expellendo diaphoreticè humiditates superfluas generantes putrefactionem, & quasi ignis alicujus naturalis instar operando, ipsi naturæ amici, adeoque talibus utendo medicaminibus, quæ etiam quotidie si opus fuerit tutò, & innoxie intrò assumi possint. Hac ratione comperi ego species nonnullas lepræ, nec non alios sæviores morbos curari, & profligari, quos nunquam deprehensum est expelli ejusmodi perniciosi purgationibus, quæ tollunt duntaxat sterces præparatum in centro, & si quando attrahant vicinos stomaci humores, ne utique tamen quas dixi operationes efficiunt. Proinde practici in his & experti esse debemus, non ignari ac temerarii, quoniam omne opus medicæ sive bonum fuerit, sive malum, Deus postremò in judicium adducturus est.

D E T A L C O .

COnatur ultro, ac tentat Pseudochymica schola oleum elicere ex talco, quod ceu miraculi speciem inferre possit in cõservatione faciei; ac reliqui corporis, sic ut ipso utens, vix unquam senio confectus esse videatur. Circa hoc tenendum est, liquorem nullo modo posse haberi è talco. Quòd verò reme-

dia dentur, quibus carnes conservari queant, huic sententiæ non contradico. Ecce enim si natura subministravit pro cadaveribus balsama, multò magis fuerit illa pro viventibus provida. Ubi nunc, & quo in corpore quæri debeant ejusmodi balsama, hic non explicabo, propositum enim meum duntaxat est, ut inscitiam, & fraudem pseudochymicorum patefaciam. Est igitur talcus materia aridissima, quæ medium tenet inter marcasitam & lapidem, naturæ adeò stipticæ, ut ipsi marti possit quoad suam stipticitatem assimilari. Ejus triplex habetur genus, album, aureum, & rubrum. Sed hic de albo tantum est quæstio, cujus pariter duæ species reperiuntur. Prima est instar salis gemmæ transparens, quæ potest secari in præctas chrystallo similes. Et inde solent nonnulli efformare laternas, candellâ enim in aliquod latius decedente non uritur, nec illius impedit splendorem. Altera species alba est, & instar lapidis, quæ dum contunditur, argentum ei videtur inesse. Porro isti seductores juxta sylvestrem suam philosophiam somniant hoc materiale ijs potentij præditum esse, quæ supra sunt commemoratæ, tamen cum ad rei effectum deveniunt, se falsos persentiscant. Nec mirum. Experientia enim nobis palam indicat, quod talcus ita crudus, & solus etiam in diuturno, & vehementi igne positus nullum præbeat liquorem, Quod pariter deprehendentes Pseudochymici, rem aliter aggredi tentât, quippe extracto potentissimo igne illum conantur calcinare, sed adhibita aliquâ additione,

DE TARTARO.

ditione, siquidem difficillimè calcinari potest, (prout ipse aliquando curiositatis gratia sum expertus, qui licet talem per quadraginta dies sivillem in fornace vitrea, suam tamen formam nullatenus immutaverat) eo jam calcinato volunt in humidum resolvere, sed tunc laterem lavant: quod quamvis obtineret, nihil tamen haberent aliud, quàm sal aliquod corrosivum, quod nullo modo oleum esset appellandum, neq; id eorum proposito inserviret. Verum ut dixi nunquam resolvitur, nisi addito alterius generis sale, seu tartari & simili: sed tunc solutio ejus salis debet nominari, non oleum talci. Quare cum & illi animadvertant rem nullo modo fortiri effectum, ut tamen peractos labores compensent, sumptis ejusmodi additionibus, Principissas, aut divites aliquas matronas adveniunt, quibus manifestas falsitates, ac mendacia obtrudentes, talem liquorem divendere non erubescunt. Hæ verò quoniam libros Pseudochymicos eâ de re loquentes fortassè legerunt, qui omnibus fraudum, & mendaciorum generibus solent esse repleti, simpliciter eis assentientes, liquorem illum seu pretiosissimam gemmam persolvunt, licet eis aliud non sit, q̃ solutio tartari, vel solutio sublimati veneti, aut quid simile. Ecce quemadmodum impostores fraudum solent facere qui sunt in malo acuti, & subriles, perinde ut Diabolus, apparentes hominibus in forma Angelorum lucis: quibus nihilominus à nonnullis major adhibetur fides, quam iis, qui veræ sunt artis discipuli, & synceræ veritatis amantes.

Pseudochymia à vero oleo tartari discedens, oleum audet appellare id, quod non nisi sal resolutum est. Et hoc ita demonstro. Si accipiens tartarum crudum ipsum distilles, exibat inde aque copia cum pinguedine quadam supernatante nigra & fetente, hæc pinguedo separata, & in alembico posita cum paulo salis, si distilletur per arenam emittit oleum rectificatum, quod est oleum genuinum, & instar auri flavum, quod si iterum rectificetur, adhuc reddetur transparentius. Aqua verò seu Sp. tartari pariter potest rectificari, donec deveniat limpidus: & ambæ hæ substantiæ sunt in medicina virtutis admirandæ, tamen si adusti aliquem retineant odorem. Residuum à destillatione sal est, seu alkali valde corrosivum, quod in loco humido positum, resolvitur in liquorem, hoc autem non potest appellari oleum, sed solutio salis tartari, etenim si humiditate, quam attraxit, exhalare facias, sal manebit coagulatum, sicut antea. Ad Pseudochymicos venio. Hi juxta nescio quâ speculationem verum oleum comburunt, verumque liquorem consumunt, postea præternaturaliter oleum nominant, quod oleum non est: nimirum sumunt tartarum, & illum in vehementi igne calcinant, & tunc sit, ut prædictæ 2. substantiæ absumantur nilque remaneat aliud quàm sal, quod est supra reliquos sales corrosivum. Et quoniam illi fortè audiverunt aut legerunt alicubi oleum

oleum tartari, vel ejusdem Spiritu potentius valere intrinsecus assumptum in hac, vel illa infirmitate, administrantur horum loco solutionem ipsius tartari. Ecce quid pro quo, tam in præparatione, quam in administratione: Proinde non est quod miremur, si ubi languentes curati essent, contorqueri soleant, aut encari. Nam adveniens talis liquor in stomachum, & organa, per quæ transit, illic coagulatur in suum sal, eumque locum corrodit instar alicujus caustici. Certum est enim inter corrosiva, ea quæ corporalia sunt magis esse periculosa, distillata namque sine læsione transeunt, si modo alijs liquoribus fuerint admixta.

DE LAPIDIBVS PRETIOSIS, Coralliis & Perlis.

Opinantur insuper Pseudochymici educi posse olea, & aquas è lapidibus pretiosis, sed pessimè falluntur. Et, enim tales lapides adeò sunt in suis substantiis compacti, & humore volatili destituti, ut non nisi dementia sit, ab iis vel le proleſtare liquorem. Nihilominus Pseudochymici, ne solitam suam doctrinam omni subinde fallaciarum genere contaminatam obliuiscantur, addunt dictis lapidibus liquores, & ita distillant, ac quod ex illis additionibus provenit, oleum, aut aquam, juxta nomen lapidis non verentur appellare. Nonnulli verò sumunt liquorem destillatum, quem tingunt tomâ solis, & eum aquam granatorum nominant, vel flore

æris eundem tingunt, aut vitriolo Ungarico viridi & talem nuncupant aquam smaragdi: item azuro, aut lapidelazuli, & tunc ipsum vocant aquam saphyri, pariter rosas, & sandalis, aliisque tincturis, eumque appellant aquam rubini. O malitiam Diabolicam, quam dubio procul tanquam flagellum in terris extare divina justitia permittit. Interim non nego lapides pretiosos, perlas, & corallia solvi posse in liquores, ab eisdemque suas posse substantias extrahi, adhibitis nimirum medijs, & additionibus, verum ubi hæc separantur, redeunt illa in coagulum siccum, & aridissimum: proinde talis liquor, solutio aut extractio illius lapidis est nominandus, non ejus oleum aut aqua, ut sic unaquæque res proprio nomine designetur, nè rerum sensus confundatur. Ad perlas quod attinet, & corallia, idem in eis reperitur abusus: licet enim arbitrentur nonnulli se velle ab iis extrahere tincturam, ultimò tamen se imbrem in cribrum gerere deprehendunt. Quare sumunt aliqui succum berberorum, quidam tingunt liquorem sandalo, gummi lacca, quem postea venditant pro tinctura coralliorum. Verum est quidem, quod si acetum destillatum infundas super corallia calcinata, id per aliquod spacium in arena relictum, sal in se attrahet, ac rubeum fiet subobscurum: sed perperam & falsò id à multis tinctura nominatur: quia si pariter infundas acetum super aliud calcinatum, idem consequetur effectus. Ergò non sic debet nuncupari, sed acetum corallinatum, acetum perlatum: ut hac ratio.

ratione suus veritati relinquatur locus. Nec inter centenos laborantes, quibus cum conversatus fui, unquam vidi eorum aliquem ita expertum, qui realiter potuerit, & syncere extrahere coralliorum tincturam sine mixtione. Proinde sola experientia rerum magistra dicenda est, quando hujus lumine fallacia, quasi nebulæ solis radio evanescent.

DE EXTRACTIS IN genere.

Permultis, iisque non parvi momenti erroribus, etiam in extractorum præparatione impliciti sunt Pseudochymici, ex quâ planum fit, eos veræ intelligentiæ lumine esse destitutos. Sibi enim se posse persuadent omnis generis aromatum, herbarum, florum, radicum substantiam elicere æquæ vitæ medio: cuius quidem potentiæ ego non convenio, sed res in eo est sita, quod illi rerum non norunt naturas distinguere: videre namque est, ab eis parata extracta aromatum, aliarumque herbarum odoriferarum & fragrantium nullius valoris esse. Et hoc inde evenit, quia in exhalatione, & separatione, quæ fit aquæ vitæ à substantia extracta, elevatur cum ea, & abit subtilior pars essentialis aromatis, aut herbæ, ita ut residuum non sit nisi spissitudo terrestris, omni potentia, & virtute expoliata. Itaque hinc alia requiritur scientia, nempe operæ pretium est, ut scias discernere quam sint illa, quæ supradicto modo corriguntur, & præ-

parantur, & quæ nam sint ea, quorum potentia debilitatur. Sunt enim exempli gratia scammonæa, colocynthis, agaricus, tithymalus, gratianola, elleborum, opium, & hujusmodi complura, quæ cum aliquid in se habeant spiritus vnenati, talis operationis medio veram correctionem, & exhalationem illius noxiæ partis acquirunt. Verum si eadem ratione in aromatibus procedas, perinde est, atque cum evolavit avis, caveam claudere. Siquidem consistit aromatum efficacia in ipsorum odore, & gustu, quibus remotis corpus inispidum manet, atque inutile.

DE QUINTA ESSENTIA vini.

Si errantium auctorum numerum qui de hac materia scripsere referre vellem, si varios item modos, quibus volunt procedi, nec non temporis spacium, & instrumenta diversa, quibus utuntur, adeoque destillationes, & earundem sine fine repetitiones, haud facile finem imponerem. Sunt verò in eâ opinione, ut existiment quintam vini essentiam, seu aquam vitæ circulatam pollere vi omnia metalla dissolvendi, & lapides pretiosos. Verum quinam fieri istud poterit, quando neque saccharum in ea dissolvitur, taceo ut dicam posse in ipsa dissolvi metalla. Dicendum est ergo Pseudochymicos verum philosophorum sensum (quibus ut plurimum dicta sua ænigmatum involucris, & verborum obscuritate placuit obtegere) minime fuisse affectos.

C

Varia

Varia namque sunt vina, & varix sunt essentix. Quinetiam ab uno vino plura eliciuntur, ut verbi gratia, aqua vitæ rectificata, quæ & sulphur vini potest nuncupari, item essentia phlegmatis vini, essentia tartari, essentia aceti, & tamen illa omnia sunt essentix à vino provenientes, differentibus inter se facultatibus præditæ. Quare non semper, autumant Pseudochymici, quinta vini essentia, aqua vitæ destillata est intelligenda. Sed non absimili errore, & cœcitate sunt involuti, qui sophisticè, ignis sc. adminiculo coagulare prætendunt aliquam roris Maij in chrysellum, quem pariter habere vim cuncta metalla dissolvendi arbitrantur. Opinio bestialis quidem, sed ridicula magis, cuius integram tragœdiam, si vellein commemorare, res in volumen excreceret. Constat quidè naturam ob frigus extremum, in summitate montium, nivibus sub horridis chrysellum producere, an autem illhic subit ignis, ignoro. Verùm etiam si darem talem aquam posse fixam reddi, (quod neutiquam tamen cœcedo) nihil id perinde prodesset: quoniam unum fixum non valet aliud fixum persolvere. Et hoc patet in salibus, ceu armoniaco, vitriolo, nitro, & alijs, quorum medio dissolvuntur omnia metalla, qui licet mera sint naturæ coagulæ, niti tamen distillantur, & Spirit. eorundem extrahantur, dictam efficere operationem nequeunt, ut cumque iam eam præstare ijs propriè conveniat: tantum jam aberit ut aqua roris Maij tale quid valeat peragere, quæ est materia

dulcis, & omni corrosivitate, ac penetrantia destituta, & sine quibus operationibus nempe corrosivi, & penetrativi, sophistæ sunt quicumque metalla resolvi posse, sentiant.

DE AQUIS DESTILLATIS.

ET in hoc admodum præternaturaliter procedit pseudochymicorum ratio, quoties aquæ communis sumit quantitatem, herbarum & florum manipulos, & destillat in vesica cupri, quodque inde provenit, tanquam aquam herbarum realem vendere non erubescit.

DE OLEIS DESTILLATIS.

Diabolus hostis ille humani generis fallacissimus, lolium suum ubique serere non desistit, siquidem non desunt qui hâc quoque in parte illius malitijs insistentes, aromatum & herbarum olea impudentissimè audeant adulterare. Quenam verò fraudis eorum ratio? Re. cinnamomj, aut carophyllorum lib. 1. radicumpini minutim incisarum lib. III. vel circiter, macerentur, & destilla secundum artem. Olei autem quod inde educitur maxima pars, è radicibus illis constat. Huiusmodi Sophismata multa culinam galenicam maiorem in modum solent locupletare.

DE BALSAMIS AROMATICIS.

SECTatores imposturæ, quos nunquam ulla modestia deterret, aut verrecundia, in signe quoque commenti sunt artificium, quo unguenta fucosa parando, ea pro balsamis norunt distribuere. Et vendunt illa magnatibus pretio auri, quorum pauci sunt in Germania, qui eorum pixidem collo appensam tanquam gemmam aliquam pretiosam non gerant. Quid verò illud est? nimirum adipis suillæ, ceræ albæ, sacchar. albi, olei amydalini, aliarumque ejusmodi mixtionum compositum est, cui tot guttulæ olei cariophyllorum, aut cinnamomi admixtæ sunt, quod sufficere valeat, ut ei odorem aromatis impertiantur: quod postea colore aliquo exornant aromate etiam ipso minutissimo confuso sæpe ad eundem effectum utentes. O mundi extremam nequitiam, & quid pro quo Diabolicum, quid enim id est aliud quam fallacia pro veritate? discedere nimirum à rerum iynce-ro balsamo, quod est ipsarum oleum, & adipem porcinum, atque unguenta fucata ejus loco obtrudere. Non quod inficias eam aliquam ipsis inesse efficaciam, sed cum vero Balsamo comparata nullius penè valoris illa esse deprehen-

do. Hæc& cujusmodi alia, si persequi esset animus, comprimis quas circa olea sulphuris, camphoræ, zibetæ, ambræ, mosci, committunt falsitates Pseudochymici finis non esset. Arbitror autem ea quæ hætenus commemoravi ad impostorum scelera, atq; fallacias aliqua saltem ex parte dignoscendas, non parum profutura. Probis autem & honestis nihil hic de suo honore detractum volo, quorum haud dubiè in mundo etiam aliquis existit numerus. Interim exhortor eos qui spagyricæ artis doctrinam, & operationes tanquam rem diabolicam sibilis conscindunt, & maledico dente carpunt, ne incomperta sibi, & nescia temerariæ vocis loquacitate ex more hallucinantium criminentur. Sed potius ut discussa caligine, & oculis mentis apertis veritatem propius studeant intueri, adeoq; eam à falsitate, verumq; rerum usum ab usu ipsarum discernere discant. Siquidem iniquum æstimandum est facinus, audere id quod nescit quis improbare, à rerum momentis non perpenfis velle fallaciam infonti veritati præjudicare, quam quisque omni conatu deberet niti, ut intelligeret, intellectamque ut amplecteretur, tanquam Dei donum pretiosissimum mortalibus in terra concessum.

(o)



ANGELI SALÆ,
Vicentini,
MEDICI SPAGYRICI,
De
ERRORIBVS GALENISTARVM.

L I B E R II

*PHARMACIA GALENICA CVM
sic dicta, & quæ sit via i-
psius.*

Pharmaciz Galenicæ nomi-
ne ea intelligitur, quæ o-
mnis generis preparat me-
dicamēta tum interna, tum
externa juxta methodū Gal.
eiusdemque sectatoribus originem tra-
hentem. Et est illa quæ in præcipuis or-
bis partibus officinas apertas habet,
non minus quàm sicut terrestres essent pa-
radysi, cum tamen vix aliud sint quam
vasa immunditiarum. Eadem à veritate
& experientia naturali procul abscedēs,
non quærit horum medio facere medi-
cinam, verum potius vanitatis titulis, &
dignitatibus contenta, fallaci suæ nixæ

theoria ægris mortalibus tentant opti-
tulari. Juxta quam viam tametsi paucis-
simos ad salutem reduci compertat; ni-
hilominus ulterius non est sollicita pe-
netrare, volens potius in sua antiquitate
persistere, quàm verum medicinz sco-
pum, & centrum peruestigare. Ac ei suf-
ficere citare Galenum, Avicennam, Ra-
sem, Mesuē, & innumeros ejusmodi au-
tores Arabes, Græcos atque Latinos,
quorum dictis tanquam veritatis cola-
mnis innitur, cum tamen re ipsa appa-
reat eorum error, & imperitia. Porro
principales illius operationes aliud non
sonant, quàm contundere, cribrare, in-
fundere, decoquere, lavare, & incorpo-
rare, bonum, æquè ac perniciosum qua
in praxi vel ab ipsis rusticis coarguitur,
qui lumini naturæ insistentes, granum à
paleis, à surfuribus farinam, & vinum à
vina-

vinaceis sejungunt, puritatem cum impuritate neutiquam confundentes, quæ admodum faciunt hi qui citra meritum rationales volunt nuncupari, quorum methodus, & via alia non est, quàm purum confundere cum impuro.

PHARMACIA SPAGYRICA

quamam sit, & qua sit via ipsius.

Pharmacia spagyrica est illa, quæ vulgò chymica appellatur, & à prædicta differt sicut lux à tenebris, siquidem illius rationes fundatæ sunt in experientia earum rerum quæ revera demonstratur, neque dictis aliorum acquiescit, sed soli experientiæ. Et ignis medio unum elementum ab alio segregat, unam substantiam ab alia, balsamum ab immundities rerum: ex quibus operationibus vera postea addiscitur theoria, ut quis tunc certo asseverare queat, hanc herbam frigidam esse, illam calidam &c. Hanc herbam præcipuas suas virtutes habere in sale suo, aliam in sua aqua, aliam in suo oleo vel resina. Etenim dum corpus aliquod aperitur, ejus substantiæ segregantur, quarum singulis cum perse utimur, in cognitionem venimus quâ in parte sit proprietas uniuscujusque earum. Id quod Galenici nullo modo efficere possunt, qui tamen et sic coquant, re ipsa tamen ignorant quid sit in ipso decocto, quid sit in eo, quod effectum producat, num album sit vel nigrum, dulce an salsum. Et si quando loquantur de acrimonia & falsedine, aut alijs gustibus, verba sunt illa nullius so-

lida cognitionis testimonio comprobata, imitantes nimirum aniculas, quæ fabulas suas ex eo confirmant, quod illas ita narrari ab alijs audiverint. Et sic vult mundus decipi, creditque sese ijs hominibus qui se pro rationalibus venditant, cum tamen ignari sint, & valde imperiti. Via ergo Pharmaciæ Spagyricæ est separatio puri ab impuro.

DE SINT GALENICORVM præcipua calumniæ adversus Pharmaciæ Spagyricam.

Innumera sunt convitia, & calumniæ Galenistarum in Pharmaciæ Spagyricam, quas hic recensere omnes valde prolixum foret. Proinde septem principales hic duntaxat connotabo, subjungens unicuique earum responsionem convenientem.

Prima calumnia hæc est Chymici, homines sunt idiotæ, indocti, & rationalis discursus scientiâ destituti.

Responsum. Chymici veri ne utiquam sunt idiotæ circa opera lucis naturæ, attinentia, tam ipsam medicinam, quàm speculationem operum divinum, tametsi apud Galenicos velut insipientes æstimentur. Sed hoc veritatem, quæ fucum nunquam se & tata est, minime impedit: quin id semper fuit sapientissimi Dei placitum, ut mysteria, & opera sua mirabilia non tantum spiritualia, verum etiam temporalia hominibus coram mundo abjectis, & vilibus voluerit revelari, ut ita juxta verbum suum æter-

num humana sapientia confundatur. Quod verè expressit Syrach inquit, multi sunt excelsi, & glorioli supra modum, sed mansuetis revelantur arcana.

Calumnia secunda. Chimia res nova est, & inventum Sophistarum contrà, & præter methodum antiquorum medicinæ principum.

Responsum. Chimia operatio est antiquissima & naturalis, ad eò ut illicò à creatione initium suum habuerit: siquidem nulla existit creatura vivens, & cibum comedens, quæ tribus non fungatur muneribus principalib⁹, nempe cibi præparatione, separatione, & expulsionem. Hæ autem operationes scopus sunt, & basis chimie naturalis. Ex quo judicari potest num hæc sit inventio nova. Verum hoc dicemus quod nova sit eam non possidentibus, quorum alij invidia, aut ambitione moti, alij densis ignorantiz tenebris ducti, & erroribus infuscati, præclaram hanc scientiam non verentur improbare, eam appellantes novam, ac si omnipotens, & immensus Deus medicinam in Galeno, & reliquis ejusdem farine hominibus terminare constituisset: error quidem admodum intolerabilis. Deus namque infinitus est nec ejus sapientia, quæ circumseptam non habet regionem à nostris potest comprehendere. Sed fingamus ita esse, fingamus inquam chimiam inventum esse novum, ac non ita pridem exortum; haud continuò tamen sequeretur propterea esse rejiciendum. Quoniam si ita sentiendum foret, pari sequeretur ratione, & reliquas præclaras artes, postremis se-

culis hominibus patefactas, nec non & cætera inventa recenter introducta, & excogitata in hominis usum, & beneficium, eò quod nova sint, pro nihilo putanda, & despiciat esse ducenda. Quod quam absolum sit, & absurdum, nemo est qui non provideat. Adde quod non præsens seculum sicut elapsum, nec hodierna dies sicut hesternæ. Quemadmodum enim declinat mundus versus finem suum, sic etiam vires hominis declinare non est dubitandum, sic quod præteritis retrò seculis illi fuerat medicina, hodiè nil aliud sit quàm naturæ impedimentum: ut e.g. caules antiquis fuere panacea, at nunc non item. Pariter elleborum Romanis medicamen fuit universale, nunc vero quasi venenum est, & quomocumque id præparetur, administrari tamen à medico non sine periculo potest. Quod si majoribus nostris eavis inerat ut ejus medicamenta impuriore digerere possent, talem & nunc inesse nobis re ipsa non comperimus. Quapropter mundi misertus clementissimus pater, homines ultimis hisce temporibus dignatus est suscitare, quos verè curandi cognitionis muneribus impertivit, ut hæc ratione discussa caligine, de tenebrarum profundo in lucem veritatis medicina emergeret, atque hujus ope mortales ægri à morbis varijs recrearentur.

Calumnia tertia. Chimici utuntur medicinis corrosivis, nec non mercurio, antimonio, & ejusmodi rebus venenosis, ac proinde non sunt ab hominibus ullatenus assumendæ.

Resp.

Resp. Miror D. rationales tantum in suis scholis non profecisse, ut corrosivum unum ab alio corrosivo, id quod sub gradu est ab eo quod est extragradum, rem præparatam à non præparata, nec non doscm, & modum res administrandi distinguere non didicerint. Adde quod non chimica medicamina sola, sed & Galenica ipsa in se corrosivum includunt. Cujus rei veritas apparet non tantum in mineralibus, verum etiam in saccharo, & melle, è quibus ejusmodi aqua educitur, quæ margaritas dissolvere potest: imò mel solum, si ipso inungas cuprum, hoc ita corrodit ut inde eliciat viride æris. Sed & oleum olivarum, terebinthinæ, multiq; alij unctuosii liquores, qui sunt veluti naturæ balsama, eundem producant effectum. Et sal commune, quo in cibis quotidie utimur, (sine quo humana corpora corrumpere, rectamq; coctionem non efficerent, cum sit eorum balsamum, atque etiam reliquarum creaturarum terrestriū, ut experientia testatur ijs omnibus inesse sal, quod cum resolvitur & corrumpitur, creaturæ infirmantur, an mortem, prout in morbis resolutis laborantibus videre est) sal inquam, quod tantum momenti est, ut penè sine eo natura foret imperfecta, corrodit ipsum ferrum, æs, plumbum, stannum, aliaq; corpora, hominis corpore solidiora, præcipitat argentum vivum, & nihilominus temperatè administratum, dici potest quodammodo hominem vivificare. Pariter in vino tartarum est adeò corrosivum, quod non solum cuprum, verum etiam argen-

tum corrodit, homo verò vino moderatè utens, fulcrum vitæ acquirit. Quod si jam doctores rationales chalcantio, h. e. vitriolo corporali uti non verentur in theriaca, ut corporibus internis illud administraretur, imò etiam in nonnullis collyrijs, in quo vitriolo est sal fixum, & valdè corrosivum, cur iidem sese chimicis opponunt, eosq; probris lacerant, qui corpore vitrioli relicto, Spiritu, & balsamo illius duntaxat utuntur? At nihilominus Galenici non desinunt simplicioribus persuadere, agentes, en spiritus vitrioli, oleum vitrioli, oleum sulphuris, spiritus salis &c. sicut ligna exedunt, coreum, chartam, &c. sic etiam interna corporum humanorum corrodunt. O boni viri, si vos vitriolum absque discretionem, ac malè præparatum exhibetis, quo jure meum ritè paratum, & correctum, & quod tanquam balsamum a stimandum est audetis contemnere, & improbare? Adde quod ingens discrimen est inter corpus vivum & non vivens, & insensibile, pariter discrimen est inter administrationem spiritus vitrioli puri, & inter administrationem ejusdem temperati: volo enim in omnibus certam doscm observari, discretionemq; & prudentiam adhiberi. Quod si vos pariter exhiberetis vitriolum, & alumen crudum in majori quantitate quàm soletis, obescerent illa sanè corporibus magis, quàm spiritus eorum. Quà in parte tinctores panni lanci, & serici nigri nos sufficienter condecoscunt, qui quoties discretionem, & mensuram in tingendo non adhibent, pannum adurunt,

& in

& in frustra corrodunt, tametsi vitriolo crudo & non spirituali utantur. Sed quid opus est pluribus. Nonne videmus potentias corrosivi naturæ arcana esse ad alia expugnanda corrosiva? Manifestum h. e. in corrosivis quæ sunt in sale tartari, & oleo sulphuris, quæ simul mixta, ambo suam corrosivitatein depouunt, & mirè corriguntur, ac citra ullum periculum humanis corporibus possunt administrari. Nec solum emollit sal tartari sulphuris liquorè, verum quascunq; corrodentes aquas fortes, aquas regis, & similes. Pariter acetum distillatum ad eò potens est, ut vim habeat leniendi omne sal corrosivum. Veruntamen urgentius, ac dicitis chimiam uti rebus venenosis, ceu antimonio, argento vivo &c.

Ad hæc respondeo, propterea non parvam laudem nostram mereriscentiâ, quæ venena norit in balsama reducere. Et sanè cum ejusmodi materiæ ut decet, præparantur, medicinz sunt longè præstantiores, quàm vestra ellebora, coloquintides, mezerea, scammonæ, cithyali, & opia. Sicut experientia me docuit reverberationis medio, & circulatione cum aceto radicato sic posse corrigere antimonium, ut id non amplius per sedem purget, nec per vomitum, etiamsi quis ea in magna vesceretur dose, & tunc potentissimum est arcanum adversus multas infirmitates. Insuper non tantum corpora à natura creata in medicinz usum nosse corrigere datum est mihi, verum etiam extinguere, & omnino tollere è varijs venenis

partem eorum officientem: sicut e. g. sal nitrum more nostro depuratum ita mitigat arsenicum, ut intrò assumptum amplius non lædat. Et hæc sunt magni Dei opera admiranda quæ apparent in naturæ operibus, sapientibus mundi incognita, ijs verò nato revelata qui rudes à vobis reputantur, & idiotæ. Quod si jam dictis acquiescere adhuc nolitis, qd potero de vobis referre, qui in principali vestro composito opiato, theriaca nimirum utimini veneno, sine quo compositio illa vera foret imperfecta? Hoc si fateri os vestrū nōlit, vestra tamen conscientia id cogetur asseverare. Ergo si data fuit sapientia vobis ut è vipera possitis medicamen conficere, eandem Deus Opt. Max. omnis boni auctor, & mihi dedisse potest, quæ ex antimonio medicamenta præstantia, & salutifera valeam præparare, eademque cum judicio & prudentia ægrotis administrare. Exemplum hæc pauca ideò recensere volui, ut præstantia Spargyrice artis, & una vestra inscitia ex parte dignosceretur. Siquidem gloriamini posse vos corrosiva & venena intra humana corpora existentia depellere, cum tamen ne extrinsecus quidem tale quid præstare possitis. Quæ ergò in vobis eminentia tanta est, ut vosmetipsos ea in parte laudibus audeatis efferre, cum nec rerum noscatis inimicos, earumque præparationem & methodum ad rectam dosem requisitam? An autem ignoratis macrocosmi anatomiam docere nos anatomiam ipsius microcosmi? & physicæ, ac medicinz cognitione

tione externa nos informari ad cognitionem internæ? Quæ si vobis sunt incognita, fateamini igitur candide vestram ignorantiam, ne dum rationalium nomen nobis arrogatis temerè, universo terrarum orbi sapientiam vestram insipientissimam prodatis.

Calumnia quarta. Chymici medicinz præparationem, & correctionem ignorant.

Resp. Imò ipsi Galenici quid præparatio, & quid correctio sit, minimè percipiunt. Quod in præparatione diagridij, colocynthidis, aliarumque rerum videre est, ubi purum ab impuro non sejungunt: Ac proindeementi illi possunt non immeritò comparari, qui cum ventris onus in cubilideposuisset, postmodum odore thuris, styracis, & myrrhæ sœdorem voluit corrigere, stercus interim (auribus honor sit) eodem loco relinquens. Atqui necesse est ut purum ab impuro (hoc enim sæpè dicendum est) separetur, quemadmodum id etiam natura requirit, & tunc medicamina nullà correctione indigebunt, utpotè à quibus venenum quod in se continent, ea ratione removebitur. Et hæc veritas vel à quovis plebejo poterit comprehendì.

Calumnia quinta. Medicamenta Chymicorum præstare quidem aliquid possunt in varijs infirmitatibus, quæ incurabiles æstimantur, attamen qui ab illis sanantur vitam non agunt diuturnam.

Responsum. Ægritudo incurabilis apud me æstimatur illa quæ est mor-

talis quæque hominem non deserit usque ad mortem: ita ut dici possit, eum, qui incurabili morbo laborat, non habere vitam, verùm potius versari in continuâ morte. Jam ergò qui fieri potest ut ei, qui à tali infirmitate liberatur, abbrevietur vita, cum potius contrà medicinz potentiâ & virtute, humanitùs loquendo, è mortis faucibus evaserit. Sanè longè major spes vitæ est in eo cujus natura ab hoste suo destructore fuit redempta, quàm quando ab eodem adhuc vexatur, & detinetur. Etenim ubi tunc cibi, & potiones non poterant debilitatam naturam restaurare, neque in bonum chilum converti, nunc quia impedimenta remota sunt, id nullo negotio præstare possunt. Unde apparet liquidò absurdum esse calumniam. Etenim si ita esset, ut inquirunt, sequeretur hominem à morbis per medicamina liberatum & restitutum ruere in deterius debere, & magis ac magis consumi. Quod quàm absurdum sit, nemo non exiguè humanitatis sensum ferens judicabit.

Calumnia sexta. Medicamenta chymica etsi non usque ad eò sunt improbanda, tamen quia magni sunt pretij, non faciliè à quovis possunt comparari: cum n. eorum præparatio maximi sit laboris & molestiæ, sæpe & jacturæ, quinetiam sumptus ingentes ad eam cum requirantur, velut lignorum, carbonum, vitrorum, variorumque instrumentorum, hinc fit ut illa chariori pretio divendantur.

Resp. Tantum abesse medicamenta

D

chi-

chymica esse magni pretij, ut etiam vi-
liori ematur quam Galenicorum. Quod
ut ex ijs quæ subnectam, perspicuum
fiet. Quotiescunq; infirmus aliquis Ga-
lenicâ medicinâ uti constituit, inprimis
necesse est, ut medici curæ, & discretio-
ni se subiciat, pharmacopolæ autem mi-
sericordiæ sese commendet, & hic pri-
mus notatur sumptus. Postea id quod
medicina chymica, brevius, compendio-
sius, & efficacius in morbi curatione
præstare consuevit, contra Galenica,
cum corpus spissis syrups, & varijs de-
coctis præparat, & portiones purgantes
ægris propinat, longas admodum con-
nectit moras, & tormentis mille patientes
assligit. Et quia ejusmodi medica-
mina immunda sunt, & impura, hinc fit
ut plerumque imber geratur in cri-
brum, & quod pejus est, ubi in una par-
te fæces tollunt, in altera gignunt pu-
trefactionem, & pravas reliquias post
se relinquunt in corporibus humanis,
sicut experientia quotidiana misero-
rum languentium damno id nimium te-
stificatur, quibus syrups non tantum
pecuniam: verum etiam pro dolor ip-
sum sanguinem sæpissimè perdiderunt.
Et ubi mea medicamenta bona sequi
solet corporis constitutio, & redinte-
gratio, Galenistarum contra stoma-
chi debilitates, status tormina, nausea,
aliaque mala quàm plurima subsequuntur.
Interim hoc notum est, si offi-
cinæ omnis generis remedium Chy-
micorum publicè aperirentur, quæ exi-
tum haberent continuum, hoc certè
polliceor quod tunc præberi posset

dosis auri diaphoretici, pretio dosis pu-
tridi alicujus syrups de ligno guaiaco, &
emi dosis magisterij corallorum & mar-
garitarum, pretio quo emittitur dosis spe-
cierum a. confectionis aromaticæ.
Id quod à vegetatis amantibus facillè
supputari potest.

Calumnia septima. At quomodo-
cunque sit, inquirunt Galenici, Chy-
mici tamen non omnes infirmitates cu-
rare possunt.

Responsum. Væ mando, si homi-
ni medico data esset virtus, & potestas
ut cunctas posset mortalium ejicere
infirmitates. Notum est enim sapien-
tissimum Deum per ipsas solere multos
peccatores vocare, & deducere ad pœ-
nitentiam: qui cum experiuntur sibi
non prodesse medicinam corporalem
postquam ejus medio fuere usi, cogun-
tur tandem recurrere ad cœlestem me-
dicinam, quod ab eis non fieret, si pecu-
niâ posset sanitatem redimere. Quis
imò hoc dicam, cum statutum sit omni-
bus hominibus ut semel moriantur, in-
ciderent plerique in desperationem, si
ipsis adhuc sanis vita cum morte esset
commutanda, ubi aliàs per infirmita-
tum occasionem velut à Deo ipso præ-
parantur ad dispositionem bene mo-
riendi. Læsuper si id foret, ea esset
medici superbia, & avaritia, ut væ mi-
seris & pauperibus, si argento & au-
ro sanitas ijs comparanda esset: avari-
tia enim extremâ hâc mundi senectâ,
ad summum redacta est, & iniquitas
Caini nondum est extincta. Ego ve-
rò agnosco medicinæ duntaxat præ-
paratio-

parationem scientiam esse & opus medici, sanationem autem, ac benedictionem proprium esse misericordiae, & sapientiae divinae, quae in omnibus pro suo arbitrio, & beneplacito operatur. Nec eam laudem tribuo Chymicis, quod mortuos valent resuscitare, absit, hoc enim cum opus sit merè supernaturale, scientiam tantae rei nostram ducimus infirmitatem transire, verum Spagyricae artis, quae nunquam satis laudari poterit, excellentiam commendo, atque deprecior quam si cum Galenica comparare volumus, illum veluti spiritum quendam esse, hunc ceu putridum cadaver invenimus.

DE VELLVM INTER PHARMACIAM Galenicam & Spagyricam de preparatione & compositione medicinali.

PHarm. Gal. Quandoquidem per-spexi audaciam eorum orbis seductorum qui Chymici appellantur, dignitatem meam labefactare; operae pretium me facturam arbitrabor, si varias preparationes, & compositiones medicinales aggrediar declarare, casque breviter comprehensas sub aspectu ponere, ut hac occasione impulsus, & incitatus pharmacia spagyrica cogatur praebere propositis meis responsa, ex responsis autem, illius impetitia deprehendatur. Etenim cum sit illa in studio philosophico minus exer-

citata, & discursus rationalis spoliata ornamentis, eamque rerum fugiant caussa, fugiant rationes, inducam ipsam haud dubiè in tales labyrinthos, è quibus non facile poterit emergere, quin etiam vulnerabo illam varijs lanceis, ad eò ut confusa & superata succumbat. Primo autem adducere ea media incipiam, quibus majorem partem medicamentorum præparare, componere, & conservare consuevi. Sed ecce opportune pharmaciam spagyricam conspicio advenientem. Phar. Spag. Loquentè te audiebam è longinquo, & quidem triumphum ante victoriam decantantem. Verum ut superfluitatè sermonum qui mutuo inter nos possent exoriri, evitemus, rogo te ut propositum aggrediaris, promptam enim me, & paratam ad respondendum cuicumque tuo quæsito es responsura.

DE AQUA COMMUNI.

PHarm. Gal. Initium igitur faciam ab aqua communi, quæ à te tantoperè solet contemni: ac dico tibi eam inter præcipuas claves medicinæ esse connumerandam, idque propter duos effectus principales. Primus est, quia tanquam corpus liquidum, & apertum, medio decoctionis vel infusionis rerum, vim habet in se rapiendi & attrahendi virtutes illarum. Secundus, quia loco vehiculi inferuit medicinæ, ut earum inferat efficaciam in singulas partes internas corporum.

Pharm. Spar. Omnino assentior tibi

D 2 aquam

aquam esse elementum id mundo per quàm necessarium, verùm quòd sit clavis medicinæ, quodque duabus à te nominatis potentijis imbuta sit, à me non conceditur. Et ratio est, quia basis infirmitatum elementarium in microcosmo est ipsa corruptio: porro inter omnia elementa aqua est illa quæ maximè est corruptioni obnoxia, quæ etiam absque igne, & ære penitus periret. Et cum sit talis non potest perfectè attrahere puritatem rerum. Et hoc vel inde liquet, quia si decoctionem aut infusionem consistere aliquandiu sinas, statim vides illas putrescere, atque corrumpi, & ita quidem ut mucor sæpè, & vermes in eis prædominentur. Unde est confectarium, quod res quæ in se ipsa est tanquam mortua, minimè possit esse vehiculum quo alijs rebus vita & assistentia præbeatur: imò ob rationes prædictas est eis majori impedimento. Aliter aut. m me docuit experientia attrahere virtutes rerum nempe liquoribus naturæ balsamicæ, & puris in suo esse, qui non tantùm perfectam attractionem efficiunt omnium substantiarum, & corporum, verùm etiam illis sunt adjumento. Et quoniam ejusmodi liquores admodum sunt essentielles ac penetrantes, ad regeneranda, ac fortificanda, corpora appropriati; hinc fit ut inferant pariter, spiritum medicinæ in omnes partes internas, & indagent centrum morbi, quem cum invenire, naturæ humanæ tanquam ejus amici assistunt, & opitulantur, ut unà illius destructorem expellant. Quàm operatio-

nem aqua præstare neutiquam potest, imò cum ea sit viribus hominis inimica, generat undique status & tormenta, debilitat stomachum, & extinguit calorem naturalem, sicuti in infelici operatione tuorum syruporum, julapiorum & aquarum videre est, quas administras in morbis calidis absque discretione, non animadvertens calorem ipsam vitam esse, & frigus, mortem, calorem verò plerunque ob causam frigidam alterari. Quamobrem ô ignara discere accidens inprimis tollere quod calorem alterat, & ventum stude removere, qui ignem immoderatè exagitat, ipsum verò ignem noli extinguere, ut soles. Quod si hæc te lateant arcana, meum accede lyceum, & ego docebo te.

DE AQVIS DESTILLATIS.

PHarmac. Galen. Quoniam rejicere ausa es mihi aquam communem, miror an etiam aquas meas destillatas sis aspernatura, quarum mea officina plena est; & hæc è varijs herbarum generibus sunt destillatæ, essentielles, & magnæ efficacis, ac omnimodam virtutem in se continent earum rerum undeeductæ sunt.

Pharm. Spag. Destillatio in manu tua perinde est atque arsenicum in manibus alicujus infantis, judicio & discretione carentis, qui illud à saccharo non distinguens ori admovent, & le-

& seipsum occidit. Hôc in eum finem dico, quia eam hic patefacis stultitiam, ut velis aquas tuas essentia, & integræ virtutis rerum vices obtinere, cùm tamen nil sint aliud quam separati à corporibus, quod minimam in se potetiam includit: & excipe quod aliquem retinet odorem, & gustum illius herbæ ex quæ educum est, proveniente à minima parte sulphuris, seu olei ipsorum quod in destillatione ascendit, (hoc enim nō esset, aqua foret insipida, nec discreparet à communi) nec non correctionem exiguan ab igne acquisitam, in reliquis nihil est aliud quàm aqua, sicut ceteræ quæ corruptioni, & putrefactioni sunt obnoxia, imò ob suam cruditatem etiam congelationi. Quod testatur diligentia illa quâ vitra tua recondis, & præervas à violentia frigoris tempore hyemali.

Ita ut aqua semper sit aqua, frigida & humida, tametsi discrimen sit inter aquam mentæ, & aquam lactuæ, & dici possit aquam mentæ frigidam esse & humidam, cum pars ejus calefactiva & confortativa in oleo suo remaneat, & pars balsamica in suo sale, quod in tua destillatione non ascendit. Unde dignosci potest quid sit destillatio, nempe non aliud quam separatio unius elementi ab alio, uniusq; substantiæ ab alia. Sed qui ex aquis aliquid beneficium consequi volet, juxta virtutem herbarum, hoc modo procedere debet. Primò destilla herbam viridem quantum potes, postea reitera aquam illam super herbam remanentem, ac redistilla, & sic major pars ejus oleositas cum ipsa ascendet: dein-

de residuum in cineres adure, & super eos infunde aquam quam destillaveris in vase vitreo, eamq; insolabis autem in loco alio calido pones ut rectificetur, & tunc attrahet in se proprium sal: post hæc separa illam per inclinationem aut per chartam in alio vase, claram quantum fieri potest, & aquam habebis cum suo spiritu, & balsamo, quæ quidem ad aquas tuas comparata essentia dici potest, si quidem hæc non faciliè corrumpitur, neque est cruditati subjecta ob rationes in processu, contentas, & longè majoris est efficacia, quàm aquæ illæ tuæ secundum artem præparatæ, utpotè & herbarum manip. 10. aquæ communis quâritatem, destilla per vesicam cupream, nec aliud tibi curæ est, quam ut ejus magnam copiam elicias, tequæ postea non pudet ejusmodi aquas appellare essentiales, quæ tametsi forent syncerè destillatæ, non essent tamen nisi debiliior rerû pars, quin etiam ut te stolidam prodas, & præter naturalem dilatas, & diffundis exigua illam vim, & essentialitatem quæ ipsis inesse potest aquæ communis additione.

DE SACCHARO ET melle.

PHar. Gal. Velim nunc ex te scire, num etiam virtutes, & proprietates universales rejicere velis, quæ in melle & saccharo inveniuntur, materialib. à natura tam utiliter præparatis, & qualitatibus adeò temperatis præditis, ut pro cōdimento & conservatione infervere possint omnium specierum, herbarum, fru-

D 3 Etuum,

etuum, florum & radicum ad medicinam pertinentium, quin etiam vera sunt illius basis ut videre potes, cum nulla penè fiat præparatio, aut compositum absque mellis & sacchari intermedio, cujusmodi mea sunt electuaria, condita, conservæ, syrupi, julepi, Looch, & similia medicamenta, quæ eorum medio à corruptione vindicantur, nec non suavissima redduntur in gustu.

Phar. Spag. Amica mea jamdiu est quod tuam methodum damno meo perspectam habeo, cum & ipsa aliquot annos in praxi tua exercenda consumpserim. Ac verum quidem est, quod absque melle & saccharo tua culina debilis & infirma foret, verum quod inde sequatur methodum hanc tuam meliorem esse, hoc à me ob sequentes rationes pernegatur. Et enim dubium non est, quod, cum Deus & natura frustra nihil faciant, per consequens in melle & saccharo suæ non sint reconditæ virtutes, ac proprietates in medicinæ usum, siquidem ab illis extrahi potest essentia subtilis, & odorifera, quæ ex se valeret variis morbis resistere, sed non consequitur inde ipsa esse posse medicinam universalem, eaque nominatas operationes efficere cum talis essentia sit suo cadaveri, & immunditici colligata, proinde ibi requiritur hyssopus, id est, mundificatio, non sicut tu arbitraris melle nimirum sumpto, & aqua communi, & ovorum albumine, spumentur, & clarificentur secundum artem &c. sed separatione opus est subtilis à spisso, balsami à stercore, & substantiæ à cadavere

re: non tamen quod te perpetuò subijcere velim ejusmodi purificationi, & mellis ac sacchari more tuo clarificati improbare ad aliquas operationes usû, sed ut tibi auri & plumbi differentiam commonstreim. Itaque dilecta soror admodum falleris cum hoc tuo misce, nam non animadvertis creatorem sacchari, & melis, tutam pariter, talem & berberos creavisse, variavit ille rerum formas & gustus, & sic earundem proprietates, ut unum quodd; suo tempore suam exereret potentiam, neque enim sua dona Deus in rerum natura imperfecta dedit, quanquam mundus ob peccatum sit corruptus, & homo in cæcitate permanserit, ita ut dementia sit summæ, vel le id dulcificare, quod in sua debet amaritudine operari. Atque hinc fit quod rustici & mulierculæ empiricæ, quia rebus in earum simplicitate utuntur curas faciunt magis laudabiles quàm tui quæ canonica nuncuparis, adde quod rerum virtutes etiam debilitas, aquâ, melle & saccharo, ita ut in sua medicina pars & puritas quæ morbo resistere deberet, boni grani instar suffocetur sub palearum quantitate, quemadmodum passim ex tuis dispensationibus potest judicari, ubi syrupi tui sunt mel aut saccharum cum aqua ana. O ignorantiam! num hoc est naturam coadjuvare, an eam potius destruere? Aut quid plura dicam ego? Si hæc tua medicamenta necesse est balsamari, cur ea igitur non nominas merdicamenta? aut qui poterit res corrupta aliam ejicere? Hæc utique est vularum quarundam cantilena, quæ inquirunt,

quiunt, man muß böß mit böß vertreiben/ sed falluntur maximè. Quod si conservare velis aut balsamæ succos tuos, infusiones & decocta &c. id facere debes veris balsamis spiritualibus, & mundis quæ non tantum ut balsama inserviunt, sed etiam ut vehicula, ut spiritum medicinale in centrum morbi apportent, coadjuvantia virtutem præparativam, separativam & expulsivam stomachi microcosmici. Quod autem per mel & saccharum pharmaca reddantur magis grata & suaviora, ad hoc respondeo, quod non omnia, est enim e. g. discriminè inter syrupum de succo citoniorum, & inter syrupum de absinthio, aliasq; portiones amaras, adversus quas saccharum non potest prævalere. Præterea necesse est scire cum talis dulcedo sit necessaria nec ne, nonnullis enim convenire potest, plerisq; verò displicet, ut quib. nauseam, tormina, & deliquia causetur, id quod dulces tui, & spissi syrupi efficiunt, qui ipsi Marti tremorem incuterent, si foret infirmus. Proinde qui saccharo uti velit & melle, operæ pretium est ut distinguere sciat, quibus maximè convenient, & quibus non, adeoque quibus cum gustibus magis possit concordare, conjungendo illa cum substantiis puris, & non cum cadaveribus, siquidem cum balsamis, mel & saccharum balsama sunt, cum corruptibilibus autem corruptibilia. Porro vera ratio, quæ medicinæ reddi possint suaviora, ea est, quam spagyrica docet, cujus adminiculo ad verum efficaciz gradum reducuntur, quorum unica drachma plus valet, quam inter-

grum poculum tuarum potionum, nec dubium est, quin quilibet patiens libentius esset assumpturus ad coclearis mensuram, liquorem amarum transparentem, quam dulcem aliquem syrupum. Si nunc subjugas, mel & saccharum lenire corpus, præparare humores, &c. ad hoc respondeo, idem quoque præstare pruna, cerasa dulcia, aliosq; fructus in jure vitulino decoctos, ac in cibum paratos, qui majorem habent cum corporibus humanis syrupatiam. Deinde non semper est necesse lenire, aut præparare, ac putrefactionem addere, ubi nulla est, sed est duntaxat removenda materia putrida jam præparata, & si ob ariditatem aut aliud accidens corpus obstructum sit, illic sola aperitione opus est, non putrefactione, & evacuatione per secessum, quæ admodum tu in variis casibus procedere soles, ubi potius necesse esset humorem addere, quam expellere. Multa alia quæ dicenda essent prætermitto ea in aliam occasionem servans. Interim exhortor te, ut veritatem tandem amplecti velis, nec amplius conscientiam tuam à verme ambitionis aduri patiaris.

DE CONSERVATIONE succorum.

Quoniam arbitraris haud posse quicquam conservari, quod ad medicinam spectet cum melle, & saccharo; monstrabo jam tibi modum, quo uti consuevi ad conservandos omnis generis succos herbarum, ne corrumpantur; modus verò hic est. Processus.

Æ. Her-

Be. Herbam, quam voles aut flores contunde, & inde succum exprime, hunc impone cacabo, & aliquot ebullitionibus ferveat, ac probè despumato, deinde coletur, & sinatur frigescere: eodem implebis vasa vitrea ad collum usque cui superaddas oleum olivarū, idq; ad crassitudinem duorum digitorum supernatet: & hoc conservat succum ne corrumpatur. Quid dices ad hæc?

Phar. Spag. Conservatio ista tua valde mirabilis est, attamen hoc miror, quod quantamcunque in ea diligentiam adhibeas, vix tamen illud consequaris, ut succi tui per annum conserventur. Cui veritati ipsamet poteris testimonium perhibere, si modò sateri velis, quod cum oleum è vasis cautè vis removere, existimasque te infusionem tuam, aut succum adhuc integrum & purum reperturam contra eum sæpè foetidum, & urinæ putridæ instar (ut salvo honore dicam) redolentem invenis. Quem nihilominus, quoniam tibi pecunia cōstitit, non vis abjicere, verum illi potius adjungis mel & saccharum & syrupos secundum artem componis. Nimirum præclara hæc est conservatio tua. Sed naturalis & vera methodus qua ego utor longè est à tua differens, quā nimirum succos ita condio, ut non solum per integrum conserventur annum, verum etiam annorum decades in sua virtute & efficacia: & hi verius naturæ magisteria, quam quidvis aliud dici merentur, & hunc modum non in tui gratiam sed veritatem amantium declarabo. Processus.

MODVS SVCCOS HERBARUM rectificandi, & conservandi more Spagyrico.

A Ccipe succum melissæ, aut ejus herbarum, quam voles, is aliquandiu bulliat, & probè despumetur, ac quartam partem humiditatis superflue leniter finito exhalare, illum deinde percolabis, & vasi vitreo affundes, addens unicuique libræ uncias duas cum dimidia Spiritus vini sine phlegmate, vas interim ritè obturetur, & ponatur ad solem, aut alio in loco calido per aliquot dies, & succus reddetur purissimus: porro in fundo vitri relinquet excrementū, quod circa illud adhaerebit: tuæ colabis ipsum per inclinationem in alio vase, quantum fieri poterit clarum. Hic autem ut dixi asservatur in annos citra periculum corruptionis. Atque hic verus est succos conservandi modus, quo quidem haud scio an melior posset reperiri, quandoquidem spiritus vini spiritus est vegetabilis, naturæ omnium vegetabilium appropriatus, qui minime alterat qualitates ipsorum, sed potius eorum vim & potentiam adauget, & ob incorruptibilem suam naturam illos à putrefactione tuetur.

DE DECOCTIS IN GENERE.

Phar. Gal. Quoniam medicina manca foret, & quodammodo imperfecta absque usu decoctionum, tam purgantium quàm aliter operantium, utpote qua-

quarum medio syrupi componuntur & apozemata; idcirca rationem quâ solent præparari silentio non præteribo. Est autem hæc. Processus.

Recipe herbas, radices, flores, & fructus, prout erunt illa quæ præparare cōstituiti, hæc suo ordine secundum artem decoque in cacabo aquâ repleto, usque ad consumptionem partis dimidiz, deinde filtro transmittit decoctum.

Phar. Spagy. Decoctiones tuæ qualescunq; illæ sint à me nihili penduntur, & nullius esse valoris reputantur, tùm ob causas in capite de aqua communi commemoratas, tùm etiam quia in tuis cōctionibus duo insignia menda, & errores committuntur: quorum primus est, quod subtiliorem partem Mercurialem rerum quas coquis patiaris avolare, unde in decocto non remanet, nisi terrestres quædam substantia. Alter est quod cum inter varia decocti ingredientiæ plerumque aliqua reperiantur quæ sunt salsedine aut acore aliquo imbuta, hinc fit ut ab his corrodi possit, & attrahi cacabi prava qualitas, quemadmodum multis contigisse sæpius compertum est, quos ea ratione medicinam facere existimantes rem virulentam præparasse fuit deprehensum. Porro etsi decocta apud me non veniant in consuetudinē, modum nihilominus hic præscribam, quem tenerem ipsa si iis luberet uti.

Sume herbas, radices, flores & fructus, ut voles, hæc in vitreum alembicum immitte, & illis affunde tantum aquæ communis destillatæ, quantum potionis habere desideras, deinde

alembicum probè contextum in balneo maris per spatium duarum aut trium horarum collocabis, quod inde destillabit excipies; postea colabis decoctum, & illi id quod antea distillarat, adjunges. Et hæc vera est ratio quâ possumus herbarum virtutes consequi, etiam ne illarum diffundatur efficacia. Quod autem ad illud attinet, ut quævis herbæ suo ordine in decocto collocentur; siue fructus, flores aut radices; id juxta differentiam qualitatis molliis, aut habito respectu gustus quo præditæ sunt, erit observandum.

DECOCTVM DE LIGNO

Guajaco.

PHarm. Gal. In ijs quæ Macænus deprompti, conatu prorsus irritò atque inani videor laborasse: attamen utcunque de illis senseris, non ambigam tamen impræsentiarum, quin saltè sis laudatura decoctum meum de ligno guajaco, quod est medicina Universalis apta ad exiccandas superfluas humiditates corporum humanorū; In specie verò ita potēs est adversus gallicam lucem remedium, ut pene simile non reperiat eī. Cujus parandi rationem siquidem nosse cupias, sciendum est tibi illam esse variā: alij namq; in ejus cōctione addunt vinū, alij non addunt, quidam sumunt guajacum cum sarsaparilla, alij addunt illius cortices, nonnulli aromata varia. Proinde simplicem illius percoquendi modum hic duntaxat recensabo. Processus.

& Lignum guajacū minutim incisum,

E

nec

nec non cætera ad id requisita ingrediētia, affunde iis omnib. quātitatē aquæ & in vase lapideo, aut terreo vitrato ritē operculato ad lentum ignem fac ut bulliant usq; ad certam consistentiam & spissitudinem ac postea percolabis. Decoctum hoc appellatur syrupus, qui exhibetur in sua dose, tēpore matutino, stomacho jejuno. Remanenti injicies novā aquam, quam etiā coques, & hæc est decoctio ordinaria, vini loco, patientibus assumenda: qui non hoc solum debet abstinerē, sed etiam cibis humidis & sale, utentes unā dīx̄ta angustiori, dies circiter triginta, aut quadraginta.

Pharm. Spag. Non sine ratione decoctum tuum de ligno guajaco universale quid nuncupandum esse concedo, quādo ei vis & proprietas insita est universalis putrefaciendi corpora humana, producendi repletionem superflui humiditatis invenis, corrumpendi ipsum sanguinem, nec non alterandi & debilitandi universum corpus. Quod non tantum ex se facit, verum etiam ob additionem caninæ methodi, atque irrationalis observationis supradictæ præternaturalis dīx̄tæ.

Quare ejusmodi potionem potius potius, quā hominibus propinandum esse judico. Dicam autem quæ mea sit methodus circa ligni guajaci præparationem (quamvis alia sint mihi sudorifera excellentiora), ut saltem indemundus errores tuos & incertitiam valeat corrigere. Processus.

Accipe ligni sancti minutim incisi libras tres, Sarsæ parillæ contusæ libram

unam; zinziberis albi uncias duas, galangæ unciam dimidiam. His omnibus Aquam vitæ optimam affunde, eamque in loco calido appositē concluso reponē, aut tres aut quatuor dies, hinc exprime totam substantiam & aquam vitæ destilla, donec extractum redactum sit ad consistentiam mellis, postea residuum in cineres adure cujus sal extrahes aquā communi more Chymico destillata, tandem hoc adjunges dicto extracto, & sic absolutum habebis magisterium.

Volens jam illud administrare, naturā sume doctus, ut longē aliam à tuā methodum observem. Soleo enim vinum concedere patienti, & cibum quantum flagitat necessitas, ut hāc ratione natura in suo vigore persistat. Salis quoque usum permitto quanto opus est, cum illud sit balsamum corporum nostrorum, & sine quo effici recta digestio non posset.

Quod si tuæ dīx̄tæ præceptis infisterem, nonne sic robur ipsi naturæ detraherem? quæ deficienti vires pariter, deficient medicamentis. Experientia autem compertum habeo per rerum necessariorum interdictionem, quibus nimirum homo est affectus, fieri alterationem naturæ, ex quā mala plurima postea consequuntur. Itaque ea sola prohibenda sunt, quæ morbum nutrire aut augere possunt, minimè vero quæ naturæ esse adiumento, eisdemque robur asferre debent. Methodus porro administrandi extractum hoc meum guajaci, hæc solet esse, initio exhibeo purga-

purgativum appropriatum adversus ipsum morbum, quo stomachi putredines arceantur, dein præbeo dictum guajacum ad dosem unius drachmæ pro vice cum vino albo generoso ac nonnihil tepido. Ad hoc æger decumbens lecto, sudat horam unam aut alteram, prout fort ejus constitutio, postmodum traditæ quieti, ac demum surgit.

Tum jubeo eum refici cibis maxime nutrientibus, velut ovis recentibus, aut alijs escis quæ vim habeant substantivam, cithum quoque vini vel ultrà prout placuerit non denego. Si tempus sit æstivum, consulo ut prodeat, & in majori exercitio, major est operatio medicinz.

Ubi sitiverit, jusculi è carne vitulina aut vini albi tenuis usum præscribo, sæpè etiam exhibeo duas aut tres guttulas spiritus vitriolicum vino ad mensuram cochlearis, aut cum aqua ægro conveniente. Hic spiritus cā est vi præditus ut situm sedet, mundificet stomachum & urinam moveat.

Talis curatio continuari solet per quindecim aut viginti dierum spatium, plus vel minus juxta necessitatem, purgatione singulis septem diebus si res postulerit non intermissa, & symptomatibus observatis, quæ ad medici cognitionem spectant. Et hoc dictum

sufficiat quoad usum ligni guajaci.

(o)

DE INFUSIONIBVS.

PHarm. Galen. Ecquid tibi videtur de inventione & usu infusionum, prout in specie, rosarum simplicium & solutivarum, quæ sunt syruporum rosatorum & mellis rosati bases? Illæ sanè à priscais seculis ad hæc usque temporatūquam liquores utilissimi, imò medicinz per quam necessarij semper in magno pretio fuerunt habitæ. Et ut earum valorem melius cognoscas, hanc tibi pro forma præparationem describam.

INFUSIO ROSARVM *simplex.*

REcipe foliorum florum rosarum libras sex horis octo macerentur libris quindecim aquæ calefactæ in vase terreo vitrato, strictioris, operculato, postcā colentur. Eidem aquæ calefactæ rosarum recentium tantundem immittitur, & tamdiu maceratur & colatur, id si velis servare oleo affuso, & eodem vase benè operculato dies quadraginta in sola, vocatur id saccharum rosarum. Eodem modo proceditur in infusionibus violarum & florum persici, aliorumque florum: & si velis eas habere solutivas, repetatur infusio super novos flores usq; ad sextam vicem septimam, octavam, & nonam, deindò servetur in usum.

Pharm. Spir. Effectus ad quem fuere infusiones introductæ, non est omnino inanis, quantum nimirum at-

E 2 tinct

tinet ad operationem earum: & majori in pretio apud me sunt, quàm ipsa decocta, siquidem illarum virtus unita retinetur. Verumtamen est discrimen inter unam infusionem & aliam. Sunt enim aliquæ infusiones quæ utiles esse possunt, aliæ verò inutiles, ac prout sunt materię quas vis infundere, ita & iis appropriatus requiritur liquor, quo illarum attrahatur virtus, & conservetur, & vehiculi fiatque auxilii loco sit, ac non destructivi munere fungatur. Propterea usus ille tuus qui est infundendi singulas res in aquam communem (cujus pravas qualitates superius sufficienter exposui) à naturâ & à me neutiquam potest probari, & in specie rosas, & violas extrahendi, quæ corpora sunt cruda & putrefactioni maximè obnoxia, unde corruptibile additū corruptibili putrefactionis gignit multiplicationē. Quare non sine causa miseri languentes cōqueruntur, eo quod tuarum infusionum operationes proprię sæpè sanguinis pœnā persolvere cogantur. Quod attinet ad tuas infusiones florum, eas tibi libenter donatas volo; crudivim namque me experientia earum loco vinis purgantibus uti, vel extractis delicatis, quæ corpus naturaliter evacuant sine læsione & detrimento, quod syrupi tui rosati, aut violati prestare non possunt, qui sanguinem corrumpunt, ventosque & alia mala causantur. Et si fortè dicas remedia à me jam commemorata neutiquam ejus esse efficacie, cujus sunt rosæ aut violæ, respondco quod longè majoris, quoniam ob suam vim aperiendi &

consolidandi causantur exsolationem vaporum calidorum, calorem naturalem reconciliant, & stomachum in statu suo conservant. Quod jam tales syrupi valeant ad extinguendam sitim, tuam ignorantiam manifestas, tū quia humorem multum tollunt à corpore, tū quia illud magis relinquunt constipatum, quàm antea fuerit, neque enim ubi de sedanda siti quæstio est, illic est purgationi vacandum. Idē utor ipse in ejusmodi casibus spiritu vitrioli transparenti, chrystallo solubili, alabaastro fluente, quorum minima dosi; quemvis superfluum calorem extinguit, & in febribus ardentibus, cephalalgia, angina, aliisque accidentibus vera sunt naturæ arcana, nec non efficiunt, quod cunctæ Europæ rosæ aut violæ perficere non possent, suntque medicamenta incorruptibilia; quæ si pariter nosse cupias, veni & una cum Vulcano operare.

DE JULEPIS.

PHarm. Gal. Julepi nostri adeo suaves sunt & transparentes, in variis ægritudinibus utiles, ut vix credam, te tale quid facillè nosse præparare. Et modus eos conficiendi hic est.

R. Aquæ rosarum libras quatuor, sacchari clarificati libras duas: fiat cum diligentia secundum artem. Virtus ejus. Febrium thoracis, ventriculi incendium caloremque flammæum extinguit, sitim in exemplatam sedat.

P.S.

P. S. Julepos tuos magni facio in usum nimirum infantium dum ejulant, sed postmodum, vix ventris ob vermes. Item ad usum ebriorum, qui ob nimiam crapulam siti & calore vexantur, quibus tuum exhibes julepum cum aquis cichorei, boraginis, buglossi &c. Sed postea vix illis, quoniam posterior ruina ob julepum attracta peior est prima, per vinum accersita, etenim ille repercutit calorem naturalem, eumque opprimit, obstruit hepar, efficit debilitatem stomachi, & alia mala producit. Quare illius usum non admitto, nisi eidem addatur aliquod incisivum, mundificativum, atque aperitivum, pro ut ego facere consuevi si quando julepis uti lubet, & hic est modus.

Resp. Julepi de aqua cichorei, vel hepaticæ, aut alterius herbæ appropriatæ, constitutioni corporis ejus, cui est exhibenda, uncias 6. spiritus vitrioli rectificati scrupulum: de hoc bis aut ter in die singulis vicibus pleno cochleari præbeo in febribus ardentibus & alijs alterationibus calidis, nam aperit, exsolationem caloris promovet, stomachum reconciliat & provocat urinam. Sed magis adhuc laudo, ut aqua pura cum spiritu præbeatur, absque saccharo, dummodo corpus non sit flatibus repletum: tunc enim spiritum cum vino albo exhibendum censeo, prout medicus viderit esse necessarium.

DE SYRUPIS.

P. G. Accedo nunc ad syruporum efficacem compositionem, qui sunt corona officinarum, eamque sua presentia & utilitate mirifice adornant. Atque hi sunt varij generis, etenim nonnulli è succis componuntur, nonnulli è decoctis ab herbis, floribus, fructibus & radicibus, alij vero proprietatem habent purgandi, alij constringendi, refrigerandi, calefaciendi, juxta nimirum eorum compositiones diversas. Servantur autem in magna copia à me in vasis terreis vitratis, stanneis & vitreis. Adde quod si quis ingreditur officinam meam, conspiciatque insignem illum quem teneo ordinem syruparium, magno stupore, & admiratione affici cogetur. Sed & à magnatibus & principibus fuisse syrupi magni perpetuo æstimati, adeoque hac nostra ætate magno adhuc in pretio habentur. Quin imò ipsi reges conati sunt insignis alicujus syrupicæ compositionis esse inventores, prout exemplo nobis esse potest. Sapor Medorum & Persarum Rex, cujus syrupum hic tanquam exemplar, & formam quandam universalem describere decrevi. Syrupus autem iste nomen suum acquisivit ac retinuit à dicto rege, qui anno à Christo nato ducentesimo sexagesimo subegisse dicitur Valerianum Romanorum Imperatorem. Ex quo colligi potest syrupum hunc jam diu obtinuisse.

P. S. At quando tandem finem impositura es? E quidem videris mihi idem

E 3 prae-

præstare velle quod prægnans ille mons, qui mundum invitârat ut se parturientem spectatum veniret, cum autem accessisset res in ridiculi muris partum fuit conversa.

Ita planè & tibi nunc arbitror contingere velle, etenim sic auspicaris sermonem ac si de lapide aliquo physico tractatura esses, cum tamen conclusio fortasse de pomorum futura sit.

P. G. Adeonè impatiens es, ut ne quidem processum me patiaris absolvere? sed nunc propositum aggrediar. Proc.

SYRUPVS SAVORIS DE pomis.

℞. Succorum pomorum fragrantium libras 3.

Buglossi & boraginis depuratorum utriusque libras 2.

Foliculorum fennæ mundif. unc. quatuor.

Seminis anisi unciam dimidiam.

Croci drachmas duas.

Sacchari albi libras tres.

Foliculi fennæ parum contriti cum aniso horis 24. macerentur in succis deinde semel aut bis ferveant, & colentur, expressum, clarificatum, & colatum cum saccharo coquatur in syrupū. Crocus autem panno linceo ligatus inter coquendum infricetur. Virtus purgat melancholiam, expellit flatum, materias crassas incidit, & omnes corporis debilitates universaliter restaurat.

P. Sp. Quoniam video syrupostan-

ti à te fieri, & eos instar columnæ medicinalis in officinis haberi: mearum quoque partium erit paulo prolixius respondere tibi, ordine prout sequitur.

Dico autem omnes tuos syropos in genere, quomodo cumq; à te præparentur, varijsq; etiam modis adornentur, nil esse aliud quàm ignarissimorum inventa, atque inutilissima composita, usus potius coquinarum, quàm corporum humanorum destinanda. Nam si velimus sequi cursum què nos docet speculatio philosophiæ naturalis & operationis chymicæ, distinguere debemus naturam & potentiam rerum medicinalium in tres præcipuos gradus, ut omnis earum substantia, ut par est, separetur. Sed tu hic aliter procedis, & quidem præternaturaliter. Siquidem non discernis quâ in parte consistat rerum virtus, juxta earum species, nam nisi hoc esset, stunderes procul dubio medicinam vegetabilium in aliam formam, & eam quidem efficaciorē, corporibusq; humanis magis appropriatam & convenientem reducere, quam quæ est syruporum, ordinem sequendo supradictū, & perpendendo, quod inter tres gradus & naturas in genere omnium creatorum medicinalium terrestrium, quæ distinguuntur in vegetabilia, animalia & mineralia, infimum & maximè imbecillum gradum in sua efficacia teneant vegetabilia, secundum verò & his potentiorē ipsa animalia, tertium, eumq; supremum, mineralia, sub quibus metalla, marcasitæ, lapides, sales &c. comprehenduntur.

His

His consideratis iudicium tunc, & discretio adhibenda sunt, ut ab unoquoque creato sua pars pura ad medicinam spectans sciatur separari; quâ in re studendum est non debilitati ipsius, verum potius cum diligentia illius exaltationi, & reductioni ad concedentem & ordinatum gradum. Ad hoc autem opus peragendum scias aliud requiri modum in vegetabilibus quorum est virtus debilis & volatilis, alium in animalibus, idemque de mineralibus intelligatur, ut sic cum sapientia & methodo naturali procedenter utamur gradibus caloris, & medijs humidis ad efficiendas attractiones debiles, aut potentes, effectus unius & alterius prout res est quâ uti constituimus. Etenim alio liquore & gradu caloris separat substantia herbarum, alio autem medio separatur substantia gummi, alia lignorum, & sic de cæteris gradibus medicinalibus intellige: sicut e. gr. est liquor qui dissolvit perlas, & earum attrahit substantiam, is tamen idem non agit in corallia, imò potius contrarium præstat. Pariter id quod dissolvit aurum non dissolvit argentum, & quod argentum solvit, aurum fixat, & innumera ejusmodi quæ brevitatis gratia reticentur. Jam cum ad syrupos tuos me convertò, oppositum te facere deprehendo, utpote in vegetabilibus, loco ejus, quod ipsorum puritatem debere extrahere, prout à natura creata sunt, tu cum ijs magnam adjicis aquæ quantitatem, & facis decoctum aut infusionem seu potius confusionem, adedò ut minima illius rei effica-

cia dilatetur & amittatur, non aliter, quàm si vini cantharus in lacum quempiam projiceretur. Neque hoc solo contenta es, verum mel, & saccharum addis & diu coquis, usque ad syrupi consistentiam. In hac verò ebullitione avolat pars essentialis & inutilis crassitudo reliqua manet. Non est hoc naturam coadjuvare, verum eam maximè debilitare. Quod jam hi tui syrupi sint corporibus humanis inutiles & noxij, ex dictis rationibus colligo: Cum enim illi adedò pseudonaturaliter in te preparètur, hinc quoque necessariò sequitur quod nullam habere efficaciam possint, imò sunt naturæ impedimento & ejus viribus maximè resistunt, tantùm abest, quod illam à morbo valeant liberare. Adde quod deformissimum quem gerunt colorem, unâ & gustum inemperatum, spissumque ipsorum consistentiam infirmus cum animadvertit, ab ijs illicò abhorreere incipit & tepidus sit animus ipsius, adeoque nauseam concipit incredibilem: proinde eam ob causam medicus sæpe & pharmacopæus adeunt patientes, ut ijs verbis consolatorijs assistant, ac ut potionem hilari animo assument, persuadeat; promittentes eisdem quod post tam inutile medicamentum, vitam & sanitatem sint adepturi. Quia imò sæpè ut infantibus, post haustum aliquid dulcis & grati saporis pollicentur. Inter has angustias constitutus æger quid faceret? Miser aliud non videns remedium, cernens unâ Doctoris presentiam & auctoritatem patitur sibi id omne persuaderi & patientiæ armari coactus,

actus, pannum prius supponens naso, quo ingratum odorem non sentiat, festinanter haustum facit. Ad hæc quid sequitur? Cum natura jam sit tanquam re percussa & oppressa, & stomachus debilitatus adveniente in ipsum medicina, passiones oriuntur & tormina, & hoc, quia Pharmacum nullius valoris est, deinde quia natura facta imbecillis, præparare, separare, & expellere non potest. Unde evenit ut humano corpori venenum fiat, quod debuerat esse medicina.

Postremò tametsi ridicula sit syrupica tua pomorum præparatio à Rege Sapore ut ais excogitata, inde fortè ostentare simplicioribus volens, aut persuadere rem dignam esse & maxime efficacem; Respondeo tibi non Imperatorum nomina aut Regum medicinam facere efficacem, sed veram, & naturalem præparationem, quæ sit Chymix adminiculo, dum hæc medicamenta naturalia exaltat utcumque illa simplici videantur. Quod verò syrupus ille valeat adversus melancholiam, aliasque à te nominatas infirmitates, dico, tibi rem ipsam loqui & effectum te cogitare ob infinitam languentium copiam, qui in his civitatibus reperiuntur, quos minimè sanare vales, quot quot exhibeas, ijs parata poena. Imò si omnes officinæ tuæ syrosos assumerent, semper tamen in eodem versarentur statu. Porro & si syrupicas compositiones non profitear, haud definam tamen liquorem propriæ inventionis præscribere, ejus valoris & effi-

caciæ, cujus tuum esse prædicasti, & is à me vocabitur liquor cardiacus more nostro compositus. Proc.

LIQVOR CARDIACVS.

℞. Cinnamoni electi. .
Zedoariz ana drach. 3.
Macis scrup. i. .
Mosci optimi gr. iiii.
Aqz vitæ rosmarinatæ.
Aqz rosæ damascenæ ana unc. 4.

Prædicta ingredientia crasso modo contunduntur, dictisque aquis infunduntur in vase vitreo probè occluso dies tres, donec illa rerum tincturam extraierint, postea colantur per cartam, colaturæ adduntur.

Sacchari candidi unc. 2.
Salis perlarum drach. i.

Hæc omnia in vas vitreum immitantur ritè operculatum, in aqua tepida donec sal dissolvatur, postea servantur. Hic liquor est instar balsami. Dosis est à scrup. i. usque ad drach. pro vice cum vino optimo, jusculo, aut alijs aquis destillatis. Mirabiliter confortat stomachum, corroborat cerebrum, resolvit sanguinem coagulatum & adustum & porosa excrementa sudoris subtilis, viâ evacuat, nec non cruditatem internam per urinam expellit: nam in ejusmodi casibus non intestina purgare, seu per secessum emittere, sed resolvere oportet & confortare, ut harum operationum medio natura restau-
retur & partes nobiles infectæ, veluti splen,

splen, hepar &c. à morbo liberentur, quia sita non est in stercore melancholia. Usus ejus in frigidis & humidis esto drachmarum duarum pro vice, mane, jejuno stomacho, & ubi prævalet calor, sumatur vespere à cœna. Juvat digestionem & urinam provocat, alijsque præclaris virtutibus pollat, quæ à quovis naturali faciliè cognosci poterunt. Ut plura de promam.

Pharm. Galen. Insignem adducam descriptionem syrupi purgantis, adversus graves ægitudines valentis. Processus.

SYRUPVS DE EPITHIMO DE-
scriptione Mesua.

℞. **E** Pithimi unc. 20.
Mirobalanorum citrinorum.
Mirobala. indorum ana drach. 15.
Cuscutz.
Fumi terræ ana drac. 10.
Thymi.
Buglossæ.
Calaminthæ.
Embilicorum.
Bellericorum.
Glycyrrhizæ.
Polypodij.
Agarici.
Stæchados ana drach. 6.
Rosarum.
Fœniculi.
Anisi ana drach. 2. & semis.
Aquæ quantum sufficit.
Sacchari lib. 4.
Sapæ lib 2.
Coquantur secundum artem.

Virtus. Atram bilem & alios humores ustos vacuat, ob id morbos ex his nascentes, elephantiam, cancrum, ulceram maligna, fistulosa, pisoram, lepram, præcavet curatque.

Phar. S. Haud existimarem tempus me inutiliter trivisse, tecum discurrendo, si modò vera essent quæ de hoc tuo syrupo prædicasti. Sed ea mera insomnia esse reputo. Quæ si vera sunt, quæ sitigitur, quod tot nosochomia leproforum plena non studes emundare, cum opus hoc foret, misericordiæ insignis? Verùm opera magistrum laudant & ipsa effecta duntaxat fabulosa tenarrare demonstrant.

Relinquens ergo tibi artem syrupicam dabo tibi in remunerationem vini purgantis descriptionem cum me experientia doceat hoc majorem habere vim penetrandi, discutiendi, mundificandi & consolidandi quàm aqua communis. Proc.

VINVM MVNDIFICATI-
vum nostrum.

℞. **E** Pithimi recentis.
Radicum mechiacæ ana unc. 2.
Agarici albissimi.
Diagridij nostri ana drach. 2.
Florum betonicæ manip. 1.
Zingiberis albi.
Galangæ an. drach. 1.
Vini albi odorati. unc. 40.

Contunduntur ingredientia grosso modo, deinde asperguntur uncijs tribus

F

Hæc omnia pone in alembico vitreo ad calidos cineres, aut in balneo donec scammonæa dissolvatur: Deinde partem dissolutam cola per chartam. Residuum quod nil aliud est quàm materia fœculenta, fœtida sicut stercus, arenis, a ijsque excrementis plena abjicitur. Partem colatam impone sartagini terrea vitratæ, si rem citò velis expedire & lento igne, sine exhalari aquam vitæ, donec fumens scammonæam in acie cultri illico indurescat sicut pix, lucida & flava, tunc eam ab igne remove, & citò manibus tractato, hinc conficies pilulas, quas inunges oleo cariophyllorum & h. e. diagridium nostrum.

Quod si velis parcere aquæ vitæ, talis operatio fieri potest in alembico vitreo, & sit destillatio, donec materia in dicta consistentia remaneat in ipso vitro, verùm difficulter postea erui potest. Porro de hac mea scammonæa à 15. ad 20. usque grana, tutò & absque periculo administro & corpora absque ulla noxa & detrimento purgat. Sed non ob scammonææ tantummodo tuam correctionem digna es reprehensione, verùm & ob alias præparaciones, seu coloquintidis, squillæ, meceræ, esulæ, & similibus quæ brevitatis gratia prætermitto. Sufficiat hoc solum à me demonstrari te in medicinæ scopo ignarum esse.

*DC CONFECTIOIBVS ARG.
maticis, ac primò de electuarijs
purgantibus.*

Ph. G. **C**um sint electuaria magni momenti & valoris & à varijs autoribus ad varios effectus produccendos reperta, eaque tum lenientia, tum purgantia, vix credam te adversus illa aliquid responsuram. Depromam autem hic unum inter cætera quod in Indijs orientalibus inventum fuit & usitatum, apud nos verò maximè celebratum est. Processus.

*ELECTVARIVM INDVVM MA-
jus D. M.*

℞. **T**urpith opt. drach. 50.
Sacchari Chrystallini.
Penidiarum utriusque drach. 20. &
non unc. 20.
Diagridij drach. 20.
Cinnamomi seu canellæ selectæ.
Cariophyllorum.
Nardi Indicæ.
Rosarum rubrarum.
Cassiæ lignæ arom. & non purgatricis.
Macis.
Cyperij, singul. drach. 4.
Santali citrini drac. & semis.
Ligni aloës.
Nucis moschatæ utriusque drach. 2.
Galangæ tenuioris ex China ad nos allatæ.
Heyl, id est, cardamomi ma. ex scrap.
F 2 Carda-

Cardamomi min.

Asari.

Mastiches singul. drac. 1. & semis.

Ex arte fiat pulvis ol. amygdalarum dulcium confricandus, & sequenti syrupo excipendus.

℞. Succorum cidoniorum Granatorum Apij & fœniculi depuratorum sing. lib. semis.

Mellis optimi despumati & cocti triplum, h. e. unc. 36. seu. l. 3.

Virtus. Excrementa humorum maximè pituitosorum ac putridorum ventriculo & alijs instrumentis educit, crassos in ijs etiam flatus dissolvit, malaque hinc nata sanat, v. gr. inflammationem ventriculi, colicos, & renum dolores.

Phar. Sp. Certe electuarij nomen malè admodum à te intellectum fuit. Etenim cum electuaria compositiones selectæ & puræ esse debeant, ut si rei nomen consonet; ea cum nil aliud esse comperio quàm mixturas impuras & imperfectas. Quamquam autem ipsa floccifaciam, cum sint mihi aliavolidissima & selectissima medicamenta purgantia, veluti rosa utineralis, sanguis mercurij. ChrySTALLUS Dianæ, cremor tartari & vegetabilium diversa extracta, quæ materias putridas & præparatas duntaxat arcent, novas minimè cumulantia, sicut tua faciunt pharmaca, quæ audes electa nominare, nihilominus adducam & ego aliquod electuarium, quod licet calendarij more non sit compositum sicut tuum, est tamen majoris virtutis & efficacior.

DIACITONIVM PVRGANS nostrum.

℞. Pulpæ citoniorum cond. unc. 2.
Sacchari rosati nostri unc. 1.

Extr. lapidis vini drac. 2.

Magisterij galangæ gutt. 10.

Diagridij lucidi unc. semis.

Fiat electuarium sine igne more nostro.

Dosis ejus est à drach. duabus usque ad drach. tres. Expellit sine læsione & detrimento materias stomachi putridas incidit, mundificat, discutit flatus, & urinam promovet.

DE ELECTVARIIS CORDIALIBVS.

Ph. G. **L**icet meas compositiones pro arbitrio vilipendas, non desinam tamen in illis depromendis procedere. Præscribam autem tibi receptum electuarij cordialis, insignis valoris, quod corona dici potest omnium compositorum cordialium, prout ex ejus compositione poteris judicare. Processus.

CONFECTIO ALCHERMES. D. M.

℞. Succul pomorum odoriferorum & aquæ rosarum, utriusque libr. 1. & semis.

Serici crudi succo gran. tinctorum recentinctilib. 1.

Infundantur simul horis 24. deinde paulisper coquantur donec liquores.

quore: isti rubeant. Quos (expresso & abjecto serico) coque cum sacch. optimi drach. 150. vel libra una dimidia, & drach. sex ad mellis crassitudinem.

Ab igne depositis, & adhuc calentibus misce. Ambræ crudæ minutim conficæ, unc. dimidiam, quâ liquatâ, injice pulverem sequentem.

R. ligni aloës crudi optimi, vel santali citrini.

Darcheni, i. e. cinnamomi selecti utriusq; dr. 6.

Lapis Cynaci lazuli, usti & loti; Margaritarum albarum utriusque drach. 2.

Foliorum auri optimi drach. 1.

Mosci orientalis optimi scrup. unum.

Fiat electuarium vasi vitrato diligenter obturato reponendum.

Ph. Sp. Placet mihi compendium ingredientium quæ hoc tuum compositum intrant, & procul dubio magna erit virtute imbutum, comprimis ob succum pomorum in sua proprietate mirabilem, & ob sericum crudum, quod quâti sit momenti neminem latet, sed deest filum cannabæ ad vestitum perficiendum, quod oblivioni tradidisse te puto, fortasse quia nimis vile est, & exigui valoris. Quod attinet ad granum, majoris illud facio, licet & ambram, lignum aloës, cinnamomum, moscum, sine quibus tuæ ista compositio nullius esset efficaciar. Sed cum ad aurum venio, video te valde hallucinari, cum enim ad ejus digestionem faciendam non habet homo struthiocamelinum stomachum, vel humi-

dum aquæ regis in suo corpore, arbitrator illud ad deauranda intestina, eaque ab ærugine præservanda, potius quàm ad aliud quippiam posse inservire. Margaritas & lapidem lazuli, si naturaliter procedere velles, lûgè aliter præparares quàm facis, tamen si lapidem lazuli quasi præparare inceperis, sed cum postea imperfectum relinquis, non perveniens ad justum terminum, & hoc inde provenit, quia spagyricæ non nosti gradus. Nunc liberalitatem tuam compenso. Processus.

CONFECTIO ALCHEMES nostra.

R. Extracti granî tinctorum dr. 2.

Duritatis margaritarum dr. 1.

Auri cordialis spagyrici, id est, ad gradum medicinale præparati, drac. semis.

Ambræ griseæ.

Mosci optimi ana scrup. semis.

Olei cinnamomi puri gutt. 6.

Spiritus vini simplicis phlegmate dr. 1.

Extracti berberorum dulcium unc. 1.

Fiat compositum. Ejus dosis est à gr. 6. usq; ad scrup. 3 m.

Estque sudoriferum cordiale, magnæ efficaciar.

Ph. G. Contemne medicinam meam ut voles, non desinam propterea officinam meam aperire, ejusque ostentare gloriam. Et insignum, ecce tibi aliud, electuarium efficacissimum.

Processus.

*ELECTVARIVM LATI-
ficans Rafis.*

℞. **S**eminis melissæ.
Corticum citrei mali.
Cariophyllorum.
Gallæ moschatæ Mesuz.
Mastiches.
Croc.
Cinnamomi.
Nucis Muschatæ.
Cardamomi majoris.
Neremisch, pro quo potest semen
pæoniæ accipi; id est secundum
Rasem.
Rosa asinina.
Ben albi.
Ben rubei.
Zedairæ.
Dorontici.
Seminis ocimi.
Seminis ocini cariophyllati ana unc.
semil. scrup. i. gran. 4.
Sacchari albißimi q. s.
Fiat confectio s. a.

Virtus. Confortat omnia membra principalia, ex quibus virtutes manant naturales & animales, juvat calorem naturalem & spiritum vivificat, compescit malas cogitationes & bonos mores, lætitiæ & gaudium gignit.

Ph. Sp. Placet mihi bona voluntas tua, eamq; ego minimè aspernor, ac dico necesse esse hoc tuum electuarium magnæ esse potentix, cum illud tot matriæ cordiales ingredientur, comprimis autem ob rosam asininam. Verùm hâc in

parte (pæce tua dixerim) tui erravere principes, quodei titulum electuarij asinini non indiderint, nam asinis procul dubio magis convenisset. Quod verò iis vitutibus sic prædictum, quas enarrasti, arbitror in hoc te somnare. Itaq; videbo ipsa an possim meæ inventionis electuario tibi respondere. Processus.

*ELECTVARIVM LAE-
sificans nostrum.*

℞. **M**agisterij melissæ dr. 3.
Magisterij de florib. cariophyl-
lorum od. dr. 2.
Extracti corallorum rutilatium scrupulum 1.
Oleum nucis muschatæ gutt. 8.
Mellis odoriferi albif. unc. 3.
Corticum malorum citreorum cond. unc. 1.

Fiat electuarium more nostro absque igne, idq; si placet experire, ut utriusque videas discrimen: hoc enim attuli comparationis causâ, alias namque in officina mea præstantiora istis habeo cordialia, ut sunt aurum essensificatum, Elixir lætificans, oleum croci, liquor cardiacus & similia, quorum minima dosis efficacior est, quàm magna quantitas è tuis *Habermüssi*. Jam velim ut promeres aliquam è tuis confectioibus cordialibus in forma solida.

Ph. G. Lubens obsequar, & quidem talem depromam quæ judicio meo tibi displicebit. Processus.

CON.

CONFECTIO LIBE-
RANTIS.

℞. **R**adicum tormentillæ.
Seminis acetosæ.
Endivæ.
Coriandri præparati.
Cicrei mali ana drach. i. & semis.
Sandalorum omnium.
Dictamialbi ana drach. i.
Boli armeni præparati.
Terræ sigillatæ (loco ejus bolus le-
vanticus. i. e. orientalis somatur)
ana drach. 3.
Margaritarum.
Coralli albi.
Coralli rubei.
Carabæ.
Rasuræ Eboris.
Spodij.
Eboris usti, de quo in fine.
Ossium de corde cervi.
Been albi.
Been rubei.
Doronici.
Cardamomi.
Cinnamomi.
Macis.
Ligni aloës.
Cassiæ lignæ, aut succedaneum ejus.
Croci zedoariæ ana drach. semis.
Smaragdi (loco ejus hyacinthi aut
granati.)
Hyacinthi granati.
Sericici crudi torrefacti & incisi an.
scr. i.
Penidij.

Sacchari Candi ana, scrup. 2.
Florum nenupharis i. e. nymphæ.
Buglossæ.
Rosarum ana scrup. i.
Camphoræ gr. 7.
Mosci.

Ambræ ana gr. 3. Sacchari albi ssimi.
Virtus. Contra pestem plurimum va-
let, tutatur corpus ne lædatur à pestife-
ro aëre, & præservat humores à corru-
ptione.

P.S. Arbitror equidem te aliquando
petiisse bellum, quandoquidem corpus
hominis mihi videris assimilare magnæ
alicui urbi, in qua sit præsidium militare.
Illic n. haberi solent milites omnis gene-
ris experti, ac ij quidē in varias stationes
& classes dispositi, quorum una pars ad
portas excubat, ne eas invadat hostis, a-
lia in propugnaculo vigilat, alia circum-
eundo speculatur, alia verò in mediū
urbis, aliisque partibus adstat, alia
denique aliis fungitur officiis, ut civitas
ab omni hoste tuta esse possit. Quod et-
iam in hac tua confectioe facis, in qua
tàm multa ingredientia adhibes, ut hæc
ratione existimes eam ab omni mala su-
spicione tutò posse corpus defendere,
aut liberare. Munisti enim arcem tuam
hyacinthis, granatis, smaragdīs & simili-
bus, quam si vel struthio camelus quis-
piam aggrediretur, minimè posset ex-
pugnare. Sericum autem adustum quod
addis tantæ est efficacix, ut qui illud vi-
deat non sit cæcus. Præterea corallia
rubra & alba exhibes, sed nigrorum obli-
ta fuisti. Summa; est collectio mirabi-
lium ingredientium quæ corpus præ-
ser-

vis nominari rationalis, injuriisque me perpetuo prosequens ais me rerū ignorare præparationem. Interim tum propriæ tuæ conscientiæ, & mundo imponis, dum etiam folia auri & argenti in variis tuis compositis adhibes, corpora quæ ab igne nequeunt devorari, & tamen vis ea à debili languentis alicujus stomacho posse digeri. Equidē nosse deberes quod omnia corpora quæ caloris medio naturalis & humoris hominis nō aperiuntur & separantur, ea pariter nulum ipsi alimentum aut substantiā præbere possint, sicuti granum donec relinquitur in suis paleis, nutrire quempiam non potest. Cum verò patiens aliquis in extremis laborat, misces aquā rosarum, boraginis aut similem, cum lacte amygdalino q. s. & perlis contritis, ac ejusmodi aquam perlarum nominas, cum tamen perlæ in aqua illa penitus nihil efficiant. Det tibi Dominus spiritum meliorem quo proximo tuo meliora impertiri scias. Ut autem magis proficias hic tibi datura sum viceversa receptum quod si tibi non placuerit, placebit alijs. Processus.

MANVS CHRISTI PER-
latanostra.

℞. S. Acchari albißimi unc. 4.
Liquoris margaritarum drach. 1.
Mosci & ambræ griseæ ana gr. 2.
Fiant rotulæ.

Valet adversus varias passiones cordis, & cerebri & dosis esto unius drachmæ pro vice.

Ph. G. Habeo insuper varij generis

species cordiales num? circiter 30. aut 40. è quibus paro confectiones tam liquidas quàm in forma solida, nec non multos purgantes pulveres suavissimos, si plura audiendi desiderio tenearis in ijs declarandis labori non parcam.

Ph. S. Si vellem subinde aures tuæ garritati præbere, sanè ad finem nunquam deveniremus, quandoquidem tua praxis nihil præter horrendum chaos est. Tuas species cordiales non curo quotquot ejus habeas genera, etenim duabus duntaxat guttulis essentia alicujus cardiacæ plura præstare possum, quàm tu ingenti sacco tuarum specierum. Quod ad pulveres purgantes attinet pariter eos loc. citacio, utens extra tuis rerum eorum loco. Itaque ut discursus abbrevies velim aggrediari confectiones tuas opiatas, ac primo celebratissimam theriacam.

DE CONFECTIONIBVS
opiatis.

PH. G. Cum talem mihi exhibeas honorem, ut me adhuc audire non graveris, admirandam theriacæ mez compositionem in medium afferre non recusabo, cujus autor extitit Andromachus Cretensis præcipuus in doctrina, & experientia medicus temporibus Neronis sexti Romanorum Imperatoris. Hoc compositum tanquam thesaurus in terris æstimatur, & quoties ad ejus præparationem accingor, conventus fit collegij medicorum qui circiter sexaginta quatuor ingredientia absq; Vino, & melle, tam orientalia, quàm alterius generis solent

solent inspicere, ac demum magna cum harmonia & tinnitu, hoc medicamentum præparatur, cui nullum aliud potest æquiparari. Processus.

THERIACA ANDROMACHI.

℞. **T**rociscorū scilliticorū drach. 48.
 Trociscorum de vipera.
 Trociscorum Hedichroi.
 Piperis nigri.
 Opij Thebaici, ana drach. 24.
 Rosarum Scordij Cretici.
 Seminis Buniadis agrestis.
 Iridis Illiricæ.
 Agarici albi Pontici, id est, in Ponto nati.
 Cinaanomii.
 Succu glizirrhycæ.
 Opobalsami, loco cjp olei caryophyllorum ana dr. 12.
 Mirrhæ Trogloditicæ.
 Croci cilicii.
 Zingiberis.
 Rheupontici id est, Rhabarbari.
 Radicum quinque folij.
 Calamynthæ montanæ.
 Marrubij comarum.
 Stœchadis comarum.
 Costi recentis, videlicet veri, non adulterini
 Piperis albi.
 Piperis longi.
 Dictamni Cretici.
 Thuris masculi.
 Petroselinii Macedonici.
 Schœnanthi.

Therebinthinæ Chiz id est, in Chio insula natæ.
 Cassiæ fistulæ, videlicet Cassiæ lignæ veræ.
 Spicæ nardi Indicæ ana dr. 6.
 Gentianæ.
 Polij minoris comarum.
 Styracis optimæ.
 Scelios Massiliensis.
 Abrotani.
 Seminis Thlaspios.
 Ammij.
 Chamædrios comarum.
 Chamæphithyos comarum.
 Hipocistidis.
 Malobathri.
 Nardi Celticæ i.e. spicæ Romanæ.
 Anisi Helladici, i.e. cognomen anisi a regione ubi optimum est.
 Meu Athamantici fœniculi.
 Sigilli lemnij.
 Boli armeni.
 Chalcitidis semi-affatæ.
 Amomi.
 Racemi.
 Acori.
 Cardamomi. Phu Pontici, accipe verum quod in hortis colitur.
 Carpobalsami.
 Hiperici comarum.
 Acaciæ liquidioris.
 Gummi vermiculati.
 Danci cretici.
 Galbani puri.
 Opopanacis.
 Sagapeni Persici.
 Bituminis Judaici, id est, Asphalti.
 Centauri minoris comarum.

Castorij.

Aristolochiæ tenuis ana dr. 2.

Vini veteris odorati quantum liquo-
ribus & gummis dissolvendis satisfacere-
rit, Mellis despumati optimi triplum.
Hoc est lib. 14. un. 6.

Confice sic. Cinnamomum, cro-
cumque (ut Aetius vult) unumquod-
que per se terito, & si voles, etiam rha-
barbarum & Hedichroos, trociscos, mi-
sce deinde invicem optimè, postea reli-
quas herbas, ac radices, & omnia arida
similiter tundito, semper similia cum
suis similibus, aromata per se, ac reliqua
etiam per se seorsim. Postea (si Ae-
tium imitari est animus) crocum, cassiâ,
cinnamomum & lemniam terram in
pila cum vino optimo tere, atque uniu-
to, ac reliqua omnia secundum artem
addito, & melle despumato universa ex-
cipito.

Virtus. Theriaca in omnibus antido-
tis ob multiplicem usum potiores par-
tes obtinet, est enim famosa & salubris
contra genera ægitudinû plurima. Va-
let enim ad gravissimas passiones totius
corporis humani, epilepticas, catalepti-
cis, apoplecticis, cephalargicis, stoma-
chicis, hæmicranicis prodest. Ad rauced-
inem vocis & constrictionem pecto-
ris optima est. Arteriicis, althmaticis,
hemoptoicis, ictericis, hydropicis, peri-
pneumonicis, iliosis, & vulnera in inte-
stinis habentibus conducit. Nephreti-
cis, calculosis subvenit, menstrua educit,
fœtum mortuum expellit, lepras & va-
riolas, & frigus & ceteras passiones in-
veteratas emêdat, præcipue contra omnia

venena & serpentium morsus & reptiliû
valet. Sed diversa est ejus dosis pro qua-
ritate & qualitate uniuscujusq; passionis.
Omnem defectionem sensuum, cor, ce-
rebrum, hepar, stomachum cõfortat, to-
tum corpus incorruptû ducit & custodit.

Ph. S. Heu quàm dolco quod jam ve-
xillum meum experientiæ cogar expli-
care, & sagittas veritatis adversus te in-
figere: etiam quia nulla sunt in mundo
arma quæ majus veritati insilgant vni-
us. Arbitror autè te diu Arithmeticæ
frequentasse lyceum, ubi rectè multipli-
candi addidiceris rationem, quia in præ-
dicto composito tuo ingredientia nu-
mero circiter sexaginta quatuor tam o-
rientalia, quàm occidentalialia (absq; vino
& melle) adhibuisti. Verùm scire te ve-
lim, quòd ob nimiam curiositatem istam
scopum medicinæ negligas, quæ neuti-
quam subiecta est hominum composi-
tioni, nec eorû sophisticæ Theoriæ. Deus
enim sapientissimus absq; opera tua, ve-
ram ipse rerum naturalium fecit compo-
sitionem, & illam quidem in simplicita-
te consistentem, ac uni herbæ indidit vir-
tutem purgatricem, alij virtutè diapho-
reticam, tertiæ narcoticam, quartæ car-
dialem, quintæ resistentem venenis. Itaq;
non est quod tu ingenio tuo præclaro
existimes posse subjugare naturam, con-
stituasq; te veluti Deum illius, iniquens
frigus esse expellendum calore, calorem
frigore, humidum sicco arcendû, & con-
trâ, addens in uno composito magnam
ingredientium copiam, perinde ut adhi-
beri solent, milites multi ad expugnandâ
aliquam arcem, ceu Martinus, Johânes,

Huldricus, Wollfgangus, Ulysses, Hercules &c. ubi discurri solet, inter hos quod unus perficere nō poterit, proculdubio supplebit alter. Non ita sceres habet: quin potius quære quibusnam reb. Deus opt. max. specificas proprietates indiderit quæ valeant ejicere morbos, & corpora à venenis tueri: & cū hoc invenis, enitere, ut rei separe substantiam, eamq; ad sublimen suum gradum exaltes. Tunc reperies composita esse longè præstantiora, quàm quæ mortalium ullus posset preparare. Volens autem compositionem aliquā efformare, ne adhibeas centena ingredientia, sed pauca, eaque concordantia & ritè parata. Aliàs enim te ipsam subinde calvaberis, ac decipies, & alios unā in foveam errorum petrahes, clarum ab obscuro & prudentiam ab ignorantia non discernens. Et certè si aliud studium non apprehenderis, quàm vanæ theoriæ sicut hæcenus fecisti; futurum est, ut ab ipsa rudi experiētia percutiaris ac condemneris, à quā non est, quod postea misericordiam expectes. Animadvertit enim & pervidet quilibet idiota tuam temeritatem & stultitiam, sicut & in hoc tuo pharmaco ea maxime apparet: tam multa enim ingredientia in aliqua compositione, scientiæ & experientię incertitudinem denotant. Propterea agebat quidam etiam scenum præti hâc ratione mirabilia posse efficere, cū in eo plurimæ herbæ admixtę reperiantur. Jam verò qualis est curiositas velle tot sumptibus id investigare & habere, quod Deus Turcis, Egyptijs & Barbaris suppeditarit, atq; id negligere, & præter-

mittere quo te domi benignè & largiter donavit? Ac si creator ipse sapiētissimus non satis fuisset unicuiq; genti & nationi providus. An autem ignoras medicinam sub pane quotidiano comprehendī? sicut ergò divina bonitas homini de cibo providit, ita & de necessaria medicina. Odorata Juniperus quæ tuis pedibus conculcatur, & in clibanum mitti solet, ipsa tuam in arte excellentiam manifestat, similiter & Angelica, Imperatoria, Valeriana, Gentiana, Ruta, Rosmarinus, & ejusmodi pretiosę plantæ, quarum singulæ seorsim præparatæ, & ad suā puritatem redactæ, majorem exerunt potentiam quàm hoc tuum arcanum. Sed quid dicemus de alio quod tuo proprio damno nominas theriacam rusticorum, eò quod per illud à varijs venenis soleant liberari. Dicito quæso mihi, quid est illud quod infirmus quærit, num rusticitatem medicamenti aut nobilitatem ejus, an verò ipsam sanitatem? Certè hanc quærit ille: quam proculdubio majoris facit Arabia, Ægyptus, Palestina, Hispania. Indijs novis & alijs mūdi partibus: & illud medicamentum quo curatur; id ejus vera theriaca est? O malè persuasi homines, qui ad umbram dormitis somniferæ mandragoræ, expergis cinini tandem ab alto vestro sopore. Sed hoc audire nō vultis. Putatis namq; si hâc ratione vitam fecerimus longā, & artem brevem, quo deventura esset gloria nostra? Nonne Academici nostri honores, & nostra stipendia evanescerent? Ubi enim experiētiā theoriæ loco tractare vellemus futurum esset, ut à muribus

bus nostræ bibliothecæ corroderentur : Quin etiam calamus quo stylum exercere & ingenium ostentare solemus, quiesceret, à chartis ad carbonem descenderemus, recipe nostrum nullum habiturum esset locum, principes viri & magnates nos mechanicos æstimarent, adeoque rude vulgus viles reputaret. Absit, absit, ut hæc nobis in mentem venire patiamur, quin tela hæc potius procul arceamus à nobis, acuum calamos, extruamus propugnacula, strenuè nos defendamus, & navem quantum fieri potest propellamus. O miseri & infelices, ergone Dei gloriam & utilitatem proximi delicatis vestris desiderijs, & mundanæ vanitati audetis postponere? Exhortor vos ut resipiscatis, ne fortè quod hac die præstare ambitiosa obstinatione renuitis, redarguat ferum tempus, & irrevocabilis pœnitentia castiget.

Porro quod ad compositionem Theriacæ tux attinet, tametsi minima sit in hac virtus, est tamen inscitissimè præparata. Primum, quia materialibus uteris impuris, indigestis & corporalibus, cõfundisq; columnas illius copia & superfluitate ingredientium, deinde quia magna additione mellis vires ejusdem debilitas. Ut autem amorem in te meum perspectum habeas, donabo tibi descriptionem theriacæ mez, quæ appellatur Juniperina, cui tametsi sophistice esses contradicteura, admirandi tamen illius effectus, illic tibi os effeant oclufuris. Proceffus.

Theriaca Juniperina nostra.

℞. **M**Agisterij de ligno juniperino unc. i.
 Tincturæ Hypericonis drach. 7.
 Extracti allij drach. 6.
 Succiveronicæ condensati.
 Extracti gentianæ an. drach. 5.
 Extracti opij dr. 4. & sem.
 Cornu cervini diaphoretici.
 Florum sulphuris diaphor. an. unc. 8.
 Croci orientalis.
 Spiritus mumiæ veræ.
 Spiritus tartari rectificati an. dr. 2.
 Camphoræ liquefactæ drach. sem.
 Olei rorisinarini.
 Florum succini albi.
 Olei extradiciibus Angelicæ ana
 scrup. i.

Hæc omnia simul incorporantur absque igne in mortario vitreo, sicut pharmacologia docet, postea servatur compositum in vasis aureis, argenteis, vitreis, terreis vitratis, & cum duriusculum devenerit, etiam in vasis ligni durioris potest reponi. In vasis autem oricalchi, plumbi, stanni minimè servari debet.

Hæc theriaca resistit omnibus morbis quibus & Andromachi theriaca destinata est, sed efficaciam longè majori, atque in minori dose exhibetur, provocatq; sudorem & urinam, præbita in formu pilulæ cum vino aut alio liquore. Ejus dosis est à scrupulo dimidio ad grana 15. aut 20. juxta occurrentiam. Hoc verò medici est scire.

Ecce theriacale meum compositum, quod ut melius intelligas, variorum ejus ingredientium præparationem brevibus declarabo, deinde aliam theriacam describam adhuc majoris potentiae quam hæc sit, ut videas qualia dona infirmis ac simplicibus Deus benignissimus sit elargitus.

MAGISTERIUM JUNIPERINUM.

ID est Spiritus vini sublimatus & affusus ligno Juniperino, collecto in vera influenza, qui postea declinatur & reiteratur infusio toties, donec liquor fiat subniger & talis potentiae, ut una aut altera gutta tingere possit ciathum aquae odore & sapore juniperino.

TINCTURA HYPERICONIS.

ID est succus florum Hypericonis redactus ad consistentiam mellis, sicutamen ut retineat suum colorem rubcum obscurum.

EXTRACTUM ALLII.

NEmpe allium minutim incisum & suæ aquae per cineres destillatae affusum, & postquam per tres dies dicta infusio in calore lento fuerit relicta, tunc colatur & non exprimitur, dicta autem colatura redigitur ad consistentiam picis.

SVCCVS VERONICÆ CONDENSATVS.

Intellige sicut de Hypericone, sed hic redigitur ad consistentiam picis & est niger.

EXTRACTVM GENTIANÆ.

Intellige ejus succum condensatum, si possis habere recentem, aut extractum ejus per aquam vitæ.

EXTRACTVM OPII.

R. **O**pium exsiccatum super lamina ferri, id in pulveres contere, & extrahe succo citreorum destillato, deinde coagula ad consistentiam picis.

CORNU CERVI DIAPHOR.

R. **C**Ornu cervi usque ad albedinem calcinati dr. i.

Spiritus vitrioli rectificati dr. 2.

Olei de radicibus Imperatoriae scr. i.
Fiat incorporatio in mortario vitro, & spatio sex horarum perfecte exsiccat, ita ut confici possit pulvis qui servatur occlusus.

FLORES SVLPHYRIS DIAPHOR.

R. **V**itrioli ungarici rubificati.
Tartari usque ad albedinem calcinati an. lib. i.

Sulphuris flavi lib. 2.

Fiat sublimatio more Chymicorum, eaque quinques reiteratur, sumendo semper recens vitriolum & tartarum. Postea unicuique unciae florum adduntur ambrae griseae, mosci, ana gr. 10. olei de macis guttulæ 5.

SPIRITVS MVMIAE.

HOc est mumia vera destillata & liquor circulatus & rectificatus donec fiat rufus.

SOLVTIO CAMPHORÆ.

ID est Camph. drag. semis. quæ solvitur in drach. 2. spiritus vini ad aquam tepidam.

Ph. Gal. Quis quæso harum tuarum locutionum poterit esse capax, utpote extrahendi, coagulandi, sublimandi &c. Adde quod sumptus magni in ejusmodi præparationibus requiruntur. In præscriptione quidem hujus tuæ theriacæ dulcis videbaris mihi opponere, sed cum ad effectum compositionis ventum est, reperi eam colocynthide amariorem.

Ph. S. Non est ignotus rudis stylus meus, quando etiam theoria mea sita est in operatione, proinde quod scribo, minime intelligi ab ijs potest, qui dumtaxat chartam & libros tractare sunt assueti, in quorum numero & tu comprehenderis, amans nitidas & mundas conservare manus, ut eas nimirum gratiosè porrigere possis ijs quos soles invisere juxta aulicam potiùs, quàm medicam professionem. Sed minus à Pharmacopæis qui nil aliud norunt, quam coquatur & incorporetur secundum artem hæc mea praxis intelligetur, ijs namque panis convenit fursuraceus. Sed jam excipe alteram à me promissam theriacam, adversus quam si quid habueris respondebis, sin minus ad alia enarrando progredieris. Processus.

THERIACA AVREATA
nostra.

R. **T**Hiri nostri ab aquila rapti & à Tartaris liberati.

Auri diaphoretici per lacrymam dragonis chymici præparati.

Tincturæ lapidis granati.

Quintæ essentia corallorum rutilantium.

Extracti florum lætitia.

Lacrymæ cervi repurgatæ.

Tincturæ microcosmica drac. 1.

Extracti libanotidis viridis unc. 1.

Fiat compositum more chymico & servetur in vasis aureis aut vitreis.

Exhibetur in parva dose. Sed potentia ejus magna est: etenim singula ingredientia per se majore sunt virtute & efficacia prædita, quàm tota tua theriaca cum universa officina.

Ph. Gal. Perspicio me de uno in aliud labyrinthum duci, nam neque hæc tu dicta percipio, minus ijs respondere valeo, nam hujusmodi composita in mea officina maximè sunt in usu.

Ph. Sp. In labyrintho quidem versaris, sicut semper versata fuisti. Quoad meorum arcanorum declarationem, cū sint cibi tibi nimium duri & stomacho tuo delicato minus convenientes, ea in mei similibus gratiam conservare malo.

Ph. Gal. Ut verum fatear, penè ambigere incipio de principum meorum doctrina: Nihilominus quia majores mei hanc calcarunt semitam, eam nec ipsa transgrediar. Proinde propositum meum

meum continuabo, valeat quantum valere potest: & licet theriacam meam improbaveris, non desinam tamen idcirco ad asserre compositum opiatum potens ad placandos varios dolores internos. Processus.

AVREA ALEXANDRINA SE-
cundum descriptionem.

A Zari.
Carpobalsami, aut aliquod succedaneum.
Seminis hyosciami albi ana dra. 2. & semis.
Cariophyllorum.
Opij Thebiaci.
Mirrhæ.
Ciperi rotundi an. drach. 2.
Opobalsami (loco ejus oleum cario-phil.)
Cinnamomi.
Euphorbij.
Folij (aut succedanei ejus) Zedoariæ.
Zingiberis.
Costi veri.
Coralli.
Cassie lignæ veræ.
Tragacanthæ.
Thuris masculi Mœu.
Storacis calamitæ.
Saliunæ i.e. spicæ celticæ, quæ nunc Romana dicitur.
Cardamomi minoris.
Seselios.
Seminis napi.
Seminis saxifragiæ.
Anethi.

Anisi ana dr. 1.
Ligni aloës.
Rhabarbari.
Aliptæ moschatæ.
Castorei.
Spicæ nardi Indicæ.
Galangæ.
Opopanax.
Anacardij.
Mastiches.
Sulphuris vivi.
Radicis præniæ.
Eringi videlicet radicis ejus.
Rosarum Thymi.
Acori veri (sive calami aromatici.)
Pulegij.
Aristolochiæ longæ.
Gentianæ.
Corticum radicum mandragoræ.
Chamedrios.
Phu Baccarum lauri.
Ammij i.e. ammeos.
Dauci cretici, ejus loco licet accipere seseli creticum i.e. *Serratulæ*.
Nacropiperis.
Leucopiperis.
Xilobalsami aut aliquod succedaneum.
Carvi.
Amomi.
Petroselinii.
Seminis ligustici.
Rutæ.
Sinoni ana drach. semis.
Auri costii, i.e. omnino igne depurati & synceri.
Argentimeri.
Ambarum margaritarum.

Baccæ

Baccæ Bizantiæ.

Ossium de corde cervi ana scrup. i.

gr. 13.

Limaturæ eburis.

Calami aromatici.

Pyretri an. gr. 8.

Mellis despumati triplum.

Virtus. Contra defluxiones capitis frigore conceptas efficax est, oculorum lacrymas exiccat, dentium dolores lenit, adversus capitis cruciatum summopere prodest, illum fronti comitiales, insanos, vertiginosos & in universum omnem capitis noxam mulcet, tabidis, tussiculosis, humorem à thorace rejicientibus, cardiacis sanguinem excreantibus præstent est auxilio, Ichiaticis, coli, & renum cruciatibus. Adversus illorum noxam, difficultatem urinæ & ejusdem stillicidium valet, calculos comminuit, omni ventris malo liberat, quotidianis & tertianis febribus circa accessionis initium, suffervescit stœchadis jusculeo medetur.

Ph. Sp. Quoniam ignorantiam tuam satis perca detexi, quæ à me fuerunt superius dicta, ita quidem ut veritas à quovis facile dignosci possit, ideo nunc à multa sermocinatione substistam, ut qui sciam te non tantum hoc optatum, verum & plura alia habere, quibus sæpe soleas omnes penitus levare dolores & patientes ab hac lacrymarum valle liberatos ad requiem æternam transmittere. Sed & auream meam quam subnectam, perpende, ut videas quantum sit inter utramque descri-

men.

AVREA NOSTRA.

¶ **E**Xtracti opij sicut in theriaca juniperina dictum est.

Extracti rosarum albarum, i.e. succicarum condensati an. dr. 3.

Ignis mineralis in summo gradu redacti.

Extracti myrrhæ.

Crocī an. drach. i.

Materiæ perclarum drach. semis.

Olei majoranæ.

Caryophyllorum an. gutt. 6.

Misce & fiat massa. Dosis est à gran. 3. ad 5. pro vice.

Compositum hoc miros effectus facit, & licet aurum illud non intret tamen verè aureum debet nuncupari, quia ejus virtutes cujusvis auri pretio sunt æquiparandæ. Et valet ad sedandos omnes dolores internos corporum humanorum ac tutò præberi potest senibus ac juvenibus, tum mulieribus gravidis habito respectu dosis, & temporis quo debet administrari. Alia quoque arcana hoc multò potentiora & penè admiranda, eundem parientia effectum mihi liberalissimus Deus non denegavit, ut ipsum perpetuò laudandi mihi nulla occasio desit.

DE TROCHICIS.

Ph. Gal. **S**unt etiam mihi varia genera Trochiscorum non parvi momenti: sed ne nimis diu in hac umbra videar otiosi, subijciam hic duntaxat compositum Trochiscorum viperinorum.

H

rum

rum quòd inter præcipua ingredientia theriacalia connumeratur. Proc.

R. Carnis viperinæ cum anetho, sale & aquæ coctæ dr. 8.

Panis triticeï purissimi triti & cribrati unc. 2.

Formentur Trochisci cum iusculo in quo decoctæ fuerunt carnes viperinæ & inungantur cum opobalsamo aut oleo macis, aut caryophyllorum aut nucis muschatæ, siccentur in loco umbroso, libero, ventôq; exposito.

P. S. Quoad Trochiscorum tuorum præparationem in genere atinet eam minimi facio, quia res est corporalis & minimi valoris. Propterea ego uti soleo extractis, magisterijs & ejus generis præparationibus purioribus: tametsi fatear non tantum Viperæ, sed & alijs serpentibus magnas inesse virtutes. Verum res tota sita est in præparatione. Quod si ejus generis animalibus uti luberet, ea ad longè puriorem, & inagis correctam præparationem reducerem quàm tua sit. At quia mirabilis Deus alia multa nō ab similibus potentia creavit: idcirco theriacam meâ viperis subjicere nolo, quæ nec ubiq; reperitur. Itaque fumo alias materias quæ & in ventu faciliores & virtute atq; efficacia sunt præstantiores.

Ph. G. Sed quid jam dictura es adversus artificiosum pilularum inventum? Quod quàm sit necessarium apparet, quia ubi compositum ejus propter ingredientia futurum erat patientis palato injucundum & minimè gratum, ars docuit il'ud redigere in pilulas, ut jam facillimè & absque ulla molestia ab eo

possit deglutiri. Et ut aliquam ejus compositi formulam videas, præsentem descriptionem subijciam. Proc.

*PILULÆ LVCIS MAIORIS,
descriptione Mesuæ.*

R. Rosarum.
Violarum.
Absinthij.
Colocynthis.
Turbith.
Cubebæ.
Calami aromatici.
Nucis moscatæ.
Spicæ nardi Indicæ.
Epithimi.
Carpobalsami.
Xilobalsami.
Sisefleos. aut eorum succedaneorū.
Seminis rutæ.
Schænanthi.
Mastiches.
Azari.
Charyophyllorum.
Cinnamomi.
Anisi.
Fœniculi.
Apij.
Cassie lignæ, videlicet veræ.
Crocij.
Macis ana drach. 2.

Mirobalan. Citrinarum.
Chebulorum.
Indorum.
Bellericorum.
Embllicorum.
Rhabbarbari drach. 4.
Agarici.

Agarici.

Senæ ana drach. 5.

Euphrasiæ drach. 6.

Aloës succotrinæ ad pondus omnium
i.e. unc. 12. & drach. 2.

Succi fœniculi q.l.

Contunde & fiat massa.

Virtus. Excrementa capitis pituitosa
educant, visumq; roborant.

Ph. Sp. Pilularum usus & forma à me
non improbandur, sed tuam compositionem
tanq̃ inutilem & stomacho humano noxiã
reicio, uteris namq; in illa ingredientibus
corporalibus, ac pulverem duntaxat ex ijs
conficis, deinde massam, sub quibus
ingredientibus sæpè ligna, & radices duræ,
aliæque impura comprehenduntur, quorum
concoctio valdè longa est & difficillima, ita
ut ægrè corpus inde attrahere puritatem
possit & beneficium consequi, imò cum
patientis vires jam sint debilitatæ, sicut
plerumque accidit in morbis, sit ut prava
medicamenti compositio illius, impediat
operationem, adeoque non leve apportet
nocumentum. Præterea cum multas pilulas
una vice soleas exhibere, hinc etiam evenit
ut patiens nausæam concipiat, ob quam
pariter bonus non potest effectus sequi.
Sed ne in longum exeam, mutuum tibi
reddere constitui. Processus.

*PILULÆ CEPHALICÆ
nostra.*

℞. Senæ mund. unc. 4.
Epithimi unc. 3.

Agarici albi unc. 1.

Aloës epat.

Scammonæ ana unc. semis.

Zingiberis albi drach. 2.

Fiat extractio cum aqua lilij convallij
acta, & reducatur ad consistentiam pi-
cis, deinde adde singulis unc.

Arcani vitrioli acidi scrup. 1.

Mosci electi gr. 4.

Olei amaraci gutt. 3.

Fiat massa.

Dosis harum pilularum est à drach. ʒ.
ad drach. 1. Purgant sine læsione corpus,
robur addunt cerebro, confortant sto-
machum superfluas humiditates exic-
cant, conducunt mirabiliter asthma-
cis, flatus discutunt & urinã provocant.

*DE ECLEGMATIS SEV LOOCH
in genere.*

P.G. Hæc etiam medicamenta non
sunt prætermittenda, quarum
forma est medium quid inter syrupum
& electuarium. Prout e. gr. è præstantio-
ribus unum hic tibi depromam. Proc.

*LOOCH DE PAPAVERE DE-
scriptione Mesua.*

℞. Papaveris albi drach. 25.
Amygdalarum dulcium.

Pinearum.

Gummi Arabici.

Tragacanthæ.

Succi glycyrrhizæ an. dr. 10.

Amili.

Seminis portulacæ.

H 2

Semi-

Seminis lactucæ.

Seminis citoniorum an. dr. 4.

Croci dr. 1.

Penidiarum albarum unc. 4.

Syrupi de papavere lib. 3.

Omnia contundantur & incidantur atque cum syrupo excipiantur secundum artem. Porro iste syrupus de papavere sic confici debet.

℞. Capitum papaveris albi recentium.

Capitum papaveris nigri recentium an. unc. 6.

Seminis lactucæ.

Florum violarum ana drach. 1.

Aquæ q. s. aut lib. 2. & colaturæ ad sacch. lib. 4.

Coquantur ad spissitudinem.

Virtus. Juvat tussim & gutturis asperitatem à catharro calido, tenui (quem sputum liquidum indicat) cum enim coquit & crassit, confert etiam febribus ardentibus, dolenti, thoraci, pleuritidi.

Ph. Sp. Non ignorabam ego morem tuum fallacem & phantasticum qui est imponendi nomina tuis arcanis Arabica, Græca aut alia peregrina, nempe ut tali pompa atque apparentia majorem tuæ merces efficaciam habere videantur. Virtus enim non est tantummodo in vegetabilibus animalibus & mineralibus, sed etiam in verbis, quæ admodum efficacia sunt, imò ipsa plus faciunt ad culinam tuam pinguefaciendam quàm ipsamet medicina, interim ego quoque Looch meum afferam, quod tamen diamargariton liquidum libentius appellarim. Proc.

LOOCH PERLATVM nostrum.

℞. Penidiarum albarum unc. 4.

Solutionis margaritarum dr. 3.

Chrystalli Catholici & solubilis scr. 1.

Olei anisi gutt. 3.

Penidix liquefiunt in mortario vitro cum infusione glycyrrhizæ recentis quantum satis, sicut consequantur formam syrupi spissi, postea adjicitur solutio Margaritarum cum oleo anisi & in usum reponitur compositum. Valet efficaciter in ijs casibus, quibus tuum ais esse destinatum. Resistit insuper passionibus cordis & restaurat humidum radicale.

Ph. G. En tibi adhuc aliud Looch insigne ad ævissimas infirmitates curandas mirificè potens. Processus.

LOOCH DE PVLNONE VVLPI descriptione Mesua.

℞. Pulmonis vulpini siccati.

Succi glycyrrhizæ.

Seminis anisi.

Seminis feniculi.

Capilli veneris ana unc. 1.

Sacchari clarificati unc. 15.

Conterantur omnia tenuissimè & cum saccharo excipiantur.

Virtus. Absterget & consolidat ulceræ peccatoris & pulmonis & præferendum est alijs remedijs in phthisi.

Phar. Sp. Audaciam & temeritatem tuam, certe non possum satis admirari,

mirari, verum tuamet opera te abunde contemnunt atque coarguunt. Quæso enim te quod Asthmatici pthysici tuas incolunt civitates, quorum ne unum quidem es valida restaurare, & licet ijs cunctos pulmones Poloniarum Vulpium præberes comedendos, semper tamen eos ideam status maneret, usque dum Looch, seu verius Loëch germanicum ad se penitus liberatos recipiat. Quia verò medicamentum hoc tuum tanquam summum quoddam arcanum extulisti, idè non abs re fuerit, si & ego aliquid depromam, cui tuum resistet, sic ut resistere solet nix soli. Processus.

LOOCH SULPHURATUM nostrum.

℞. Sacchari albissimi pulveris.
Mellis optimi clarificati ana uncias 2.
Florum sulphuris drach. 1.
Elixirij proprietatis, id est liquoris ab aloë myrrha & croco extracti scr. ʒ.
Spiritus mumiz gutt. 12.
Ambra grise gr. 10.
Fiat Looch in mortario vitro f. ar.
Hoc medicamen seipsum approbat, & experimentum ejus laudes canit. Alia autem medicamina ejusdem valoris habeo, imò multò præstantiora, veluti balsamum Antimonij diaphoreticum, extractum cranij. Oleum vitriolati auræatum & dulce Oleum tartari verum & non sal tarta. i. resolutum (prout hoc sophistæ oleum solent nominare)

illud est instar olei amygdalini unctuosum; & flavum, sicut aurum, quibus uti soleo ad necessitatem.

DE NONNULLIS MEDICAMENTIS applicativis, seu clisteribus, suppositoriis, pulvinariis, nasaliis & similibus.

PH. Galen. Superest nunc ut discutram de medicaminibus applicativis, quæ in varijs casibus multiplicem usum habent.

Ph. Sp. Puderet me bacchantica ista, infamia & præternaturalia in medium afferre, & in specie clisteres, ac suppositoria, quibus patientum posteriora (salva reverentia soles) contemplari, ac si natura aliter non fuisset provida, & unctionum atque suffumigationum adminiculo infirmis subveniri non posset. Quot verò tuis clisteribus perdidisti? debilitando vim expulsiivam & naturam illis temerè assuefaciendo. Igitur disce internum vas inprimis mundificare, & causam morbi efficientem tollere, ac demum tibi nomen rationalis usurpa. Non quod omnino in casibus necessitatis bona remedia quæ ad manus veniunt culpæ velim, ut proximo succurratur, sed dico utendum esse fundamentis naturalibus, & minime super commentis & fabulis ut tu facis, debet medicina fundari. Sed perge ulterius, & aliquid dicito de fundamento preparationum chirurgicæ deinde finem insulis tuis narrationibus imposito.

nito, quæ igneum veritatis examen ferre ullo modo non possunt.

*DE MEDICAMENTIS
chirurgicis.*

PH. Galen. Proculdubio optimè nosti quam sim chirurgicis medicamentis instructa, veluti emplastris, cerotis, unguentis, oleis, & similibus. Quia verò præcipua horum basis sita est in oleis, ideo ab istis auspicans insignem hic descriptionem subnectam. Processus.

*OLEVM CASTOREI DE-
scriptione Iacobi de
Manliis.*

R **C**astorij.
Styracis calamites.
Galbani.
Euphorbij.
Cassie lignæ veræ.
Croci.
Opopanacis.
Carpobalsami, aut succedanei ejus
Spicæ nardi Indicæ.
Costi ana dr. 2.
Cyperi.
Schænanthi.
Macropiperis.
Melanopiperis.
Sabinæ.
Pirethri an. dr. 2. & semis.
Olei lib. 3.
Vini odoriferi lib. 2.
Contusa omnia coque in duplici vase
ad vini consumptionem. Cola & serva.

Virtus. Est optimum contrà omnes ægritudines frigidas præsertim nervorum & juncturarum, medetur paralysi, spasmo, tetano, & sedat acerrimos rigores & frigora febrium, si spina dorli liniatur.

P. S. Formam tuorum emplastrorum ceretorum & unguentorum non contemno, hoc tamen improbo, quod in ijs non utaris rebus naturæ balsamicæ, extractis, magisterijs, quæ ulcera præservant à putrefactione, & vim habent efficaciorē penetrandi, abstergendi, mundificandi, incarnandi, cicatrizandi quàm cætera ingredientia corporalia, quæ tu soles adhibere, quorum præstantiam commendant tuæ civitates ulceratis plenæ, quibus cuncta tuæ officinæ remedia nequeunt opitulari. Quare non video ad quid tua arcana prosint. Quod autem concernit oleorum præparationem, dico methodum tuam nullius valoris esse. Ratio est, quia cum exempli gratia uteris oleo olivæ corporali, hoc vim penetrandi & attrahendi adsevitutes ingreditium habere non potest. Quinetiam sæpè sumis florum liliorum aut violarum manip. i. Olei olivarum poc. dimidium & tam exigua florum copia arbitraris te posse tingere in eorum odore & efficacia olei quantitatem. Atqui hæc est inscitia atque dementia summa, proinde ostendam tibi modum quem ego teneo, circa olei purificationem antequam ipso utar.

(o)

RECTI-

RECTIFICATIO OLEI olivarum.

Rx. Olei olivarum lib. 1.
Cinerum unc. 4.

Distilletur id omne quod educi potest per retortam. Destillatum in usum reponito. Hoc relinquit post se omnem crassitiam & infusum herbis aut aromatibus perfectam attractionem facit substantiæ eorum unctuosæ. Dices fortasse oleum per distillationem acquirere naturam magis igneam. Ad hoc tibi respondeo ideo præstantius esse, siquidem pleraque olea tum simplicia, tum composita in hunc finem ordinata sunt ut calefaciant. Nam quod attinet ad morbos calidos, nosse quidem debes oleum illis esse venenum. Et hoc quotidiana experientia manifestum facit per damnum ab indoctis chirurgis inferri solitum, quidam ardorem aliquem mitigare autumant, utpotè crysipilarum aut similibus, utentes oleis rosaceis vel liliceis, causantur sæpè patientibus spasmodum, contracturas & alias ejusmodi apportant noxas, quandoque causantur febres quæ ægros ad vitæ melioris originem perducunt, & hoc evenit, primo propter olei caliditatem, secundo ob ejus crassitiam unctuosam quæ poros cutis obstruit & intercludit, unde humor exhalare non potest. Quam etiâ ob causam dicendum oleum destillatum adhuc melius esse, quia saltè subtile est & aperti-

vum tametsi in ejusmodi occurrentiis aliis remedijs uti satius sit. Sed ut finis tandem nostri discursibus imponatur, conclusionis ergo præsens subjiciam receptum. Processus.

OLEVM AD MORBOS frigidos inventionem nostram.

Rx. Zingiberis albi unc. 2.
Castorei.
Styracis Calamitæ.
Myrrhæ ana unc. 1.
Rutæ siccæ manip. 1.
Croc. dr. 2.
Olei olivarum rectific. unc. 15.
Olei succini albi unc. 2.

Zingiber, & reliqua contundenda contundantur crasso modo, singula imponantur vasi vitreo ritè operculato, insola dies viginti si tempus sit æstivum, sin hyemale, in loco calido pones, deinde cola, & habebis oleum rubeum, obscurum, instar balsami, quod intrinsecus & extrinsecus potest administrari adversus varias infirmitates frigidas. Porro Pharm. Galen. iter tuum ab eas, & tuam ne deseras culinam moneo, ego enim revertar ad meum laboratorum Chymicum, sperans tempus veritatis amicum veræ artis medicæ sinceritatem extremo hoc ævo mortalibus patefacturum: Æterno & vero Medico, à quo omnis sapi-

sapientia salus & reliqua bona manant, nus appositè dictum reperiatur, id so-
 oinnis benedictio, honor, & gloria lius hominis imperfectioni at-
 reddatur in secula. Cæterum si in hoc tributum esto.
 volumine aliquid minus rectè aut mi-
 (o)

FINIS TRACTATUUM H O R U M.



INDEX PRÆCIPUORUM CAPITUM, QUÆ HOC OPERE CONTINENTVR.

Capita Libri Primi.

P seudochymici quinā sint, pag. 8.	2
De auro potabili.	12
De antimonio.	14
De Talco.	15
De Tartaro.	16
De lapidibus pretiosis, coralliis & per- lis.	17
De extractis in genere.	ibid.
De quinta essentia vini.	18
De aquis destillatis.	ibid.
De oleis destillatis.	19
De balsamis aromaticis.	

Capita Libri Secundi.

P harmacia Galenica cur sic dicta, & qua sit via ipsius.	20
Pharmacia Spagyrica qua nam sit, & qua sit via ejusdem.	21
Quæ sint Galenicorum præcipua calu- mnia in Pharmaciâ Spagyricam,	

& quæ ejusdem responsiones. *ibid.*
Duellum inter Pharmaciâ Galeni-
cam & Pharmaciâ Spagyricam
de præparatione & compositione
medicinali. 27

De aqua communi.	ibid.
De aquis destillatis.	28
De saccharo & melle.	29
De conservatione succorum.	31
De decoctis in genere.	32
Decoctum de ligno guaiaco.	33
De infusionibus.	35
De julepis.	36
De syrups.	37
De scammoneis.	42
De confectionibus aromaticis.	43
De confectionibus opiatis.	49
De Trochiscis.	57
De pilulis.	58
De Looch.	59
De nonnullis medicamentis applicati- vis, seu clisteribus, suppositoriis, & pulvinaribus, nasalibus, &c.	61
De medicamentis chirurgicis.	62

INDEX MEDICAMENTORUM, quæ hoc Opere continentur.

A lij extractio. <i>pag. 54</i>	<i>Perlatum nostrum.</i>
<i>Amidotum Liberantis nostrum.</i> <i>48</i>	<i>de Pulmone vulpis descript. Mesu</i>
<i>Aurea Alexandrina secund. descript.</i>	<i>ibid.</i>
<i>56</i>	<i>Sulphurasum nostrum.</i>
<i>Aurea nostra.</i> <i>57</i>	<i>Manus Christi Perlata.</i>
<i>Camphore solutio.</i> <i>55</i>	<i>Perlata nostra.</i>
<i>Confectio Alchermes.</i> <i>44</i>	<i>Mumia spiritus.</i>
<i>Confectio Liberantis.</i> <i>47</i>	<i>Opii Extractio.</i>
<i>Confectio Alchermes nostra.</i> <i>45</i>	<i>Olei Castorij descriptio Jacobi de Ma</i>
<i>Cornu Cervi Diaphoreticum.</i> <i>54</i>	<i>liis.</i>
<i>Diacitonium purgans.</i> <i>44</i>	<i>Olei Olivarum rectificatio.</i>
<i>Electuarium Indum majus D. Me-</i>	<i>Oleum ad morbos frigidos inventio</i>
<i>sua</i> <i>43</i>	<i>nostra.</i> <i>ibi</i>
<i>Elect. Latificans Rasis.</i> <i>46</i>	<i>Pilula Lucis majoris descriptio Mesu</i>
<i>Electuarium Latificans nostrum. ibi-</i>	<i>58</i>
<i>dem.</i>	<i>Cephalica nostra.</i>
<i>Gentianæ Extractum.</i> <i>54</i>	<i>Rosarum Infusio simplex.</i>
<i>Hypericonis Tinctura.</i> <i>ibid.</i>	<i>Scammonca preparatio.</i>
<i>Juniperini magisterium.</i> <i>ibid.</i>	<i>præp. more nostro.</i> <i>ibi</i>
<i>Liquor Cardiacus.</i> <i>40</i>	<i>Syrupus saporis de Pomis.</i>
<i>Looch de Papavere descriptio Mesua.</i>	<i>de Epithymo descript. M.</i>
<i>52</i>	<i>Succorum conservatio more Gal.</i>
	<i>more Spag.</i>